



07217

通典卷第四十九

唐 京 兆 杜 佑 君



禮九 吉八

時享

薦新附。虞夏殷周漢後漢魏宋齊梁陳後魏北齊後

周隋大唐

先王制禮依四時而祭者時移節變孝子感而思親故奉薦味以申孝敬之心慎終追遠之意故禮記云霜露既降君子履之必有悽愴之心雨露既濡君子履之必有怵惕之感皆以孟月無常日擇月中柔日卜得吉則祭之敬之至也○有虞氏四時之祭名春日禘夏日禘

通典

卷九

禮九

一

秋曰嘗冬曰烝其祭尚氣郊特牲云血腥爛祭用氣也尚謂先薦之也法先迎牲殺之取血告於室以降其神然後用

樂而行祭事其祭費首○夏氏時祭之名因有虞其祭

費心○殷禘禘嘗烝亦因虞夏之制王制云春禘夏禘

秋嘗冬烝鄭元云此夏殷之法其祭尚聲郊特牲云臭味未成滌

蕩其聲樂三闋然後出迎牲聲音之號所以昭告於天

地之間也滌蕩猶搖動也其祭貴肝○周祭春日祠夏日禘秋

日嘗冬曰烝以禘為殷祭之名其祭尚臭郊特牲云周

人尚臭灌用鬯臭鬱合鬯臭陰達於淵既灌然後迎牲

致陰氣也灌謂以佳瓚酌鬱鬯始獻神已乃迎牲於庭殺之其祭貴肺行九獻

之禮其禮備陳於下祭之日王服衮冕而入廟工則奏以王夏

王入立於東序后則副禕而入立於西序尸入之後乃

就於西房轉就西房者所以放陰陽之義禮器云大明生於東月生於西陰陽之分夫婦之位也

尸服衮冕而入工則奏肆夏王及於室而不迎尸祭統云君

迎牲而不迎尸於是王以珪瓚酌雞彝之鬱鬯以獻尸

所以別嫌也尸以裸地降神尸祭之啐之奠之此為裸神之一獻也

后乃以璋瓚酌鳥彝之鬱鬯以獻尸尸祭之奠之啐之

此為二獻也王乃袒而迎牲於門牲入門則奏昭夏王

親牽牲公卿大夫執幣以從入而告於庭云博碩肥腜

王乃麗牲於碑親執鸞刀啓其毛血以授於祝祝入告

於幽全之義遂乃殺牲始行朝踐之事凡牲廟用一牢

公羊傳曰周公白牡朝踐之事尸出於室坐於戶西南

魯公駢剛羣公不毛郊特牲云諸祝於室坐尸於堂

面主在西東面鄭元注云謂朝踐時迎尸於外時尸主

之前薦以籩豆脯醢而已乃取牲腍骨燎於鑪炭人以

詔神於室於時王親洗肝於鬱鬯而燔之以墮於主主

人親制其肝所謂制祭也次乃升牲首於室中北墻下

尊首尚氣之義也時又薦腥於尸主之前謂之朝踐於

時王乃以玉爵酌獻后獻及罇中醴齊以獻此三獻也

后於是薦朝事之籩豆時堂上以夾鍾之調歌堂下以

無射之調作大武之樂后於是亦以玉爵酌獻罇醴齊

以獻尸此四獻也時堂下之樂亦然也於時王自阼階而西酌獻后從西階東酌獻

所謂禮交動手上樂交應乎下至薦熟之時謂之饋食先薦熟於堂

視陳此設饌之禮非謂即食

設饌之時王

更設尸主之席於堂在戶內西方東面尸在其北布尸

主席訖乃遷所設於堂上之饌置尸主坐前時祝又以

俎酌奠奠於饌南所謂天子奠俎又取腸閒脂蕪之蕭

合羶薌鄭云羶當爲馨字之誤燎於鑪炭所謂臭陽達於牆屋乃

迎尸主入室即席舉奠俎將祭之時祝則詔王拜妥尸

郊特牲云舉單角詔妥尸是也

拜訖尸遂祭酒以菁茅謂之縮酒

左傳云爾

通典

卷四

禮九

三

貢苞茅不入王祭不供無以縮酒

尸遂啐之奠之尸乃坐於是王以玉

爵酌象罇益齊以獻尸五獻也時后薦饋食之籩豆又

以玉爵酌象罇醴齊以獻尸此六獻也

王及后每獻皆作樂如初尸

食訖王以玉爵酌朝踐之獻罇醴齊以酌尸謂之朝獻

亦罇相因此七獻也后薦加事之豆籩尸飲七王可以

獻公尸飲訖授祝祝酌清酒以授尸尸以酢王王乃設

酢席於戶內尸少祭饌黍稷并假福王王乃以出量人

與鬱人受之

周禮宗伯職云量人與鬱人受舉單之卒爵

后以玉爵酌饋食

象罇之益齊以獻尸曰再獻亦罇之相因尸酢后如王

之法后飲酢酒此八獻也尸飲八王可以獻卿諸侯爲

賓者以玉爵酌盞齊備卒食三獻合九獻凡王及后各

四諸侯為賓者一也尸飲九王可以獻大夫士取惠均於下之

義尸飲訖又酢諸臣如后之法自九獻之後遂降冕而

撫干舞大武之樂以樂尸祭統云君執干戚就舞位冕而總干率其羣臣以樂皇尸

九獻之後更為嗣子舉奠與諸臣進獻更行三爵皆謂

之加爵則用璧散璧角明堂位云用璧角即行旅酬無算之爵

樂作亦然旅酬既訖則尸出尸出之後則嗣子餞之文王

世子云登飲受爵以上嗣尊祖之道鄭元注云上嗣祖之上厥明更以一牢釋於祊

於廟門之外而行其禮其四時新物皆先薦寢廟而後食二月獻

羔開水春分方溫獻羔以祭司寒而後開水左傳曰北陸而藏冰西陸朝覲而出之先薦寢廟而後食

通典卷九禮九四

四月以餽嘗麥麥之新氣方盛以餽食之散其熟七月登穀黍稷之屬於是月始

熟而先薦八月嘗麻九月嘗稻皆初熟而薦之十二月嘗魚此時魚得陽氣

美潔○漢惠帝時叔孫通曰古者於春嘗果方今櫻桃熟

可獻遂獻宗廟顏師古曰禮記仲夏月羞以含桃先薦寢廟即此櫻桃也諸果之獻

由此興○後漢光武建武二年正月立高廟於洛陽漢舊儀曰故孝武廟古今注

曰於洛陽校官立之四時祫祀高帝為太祖文帝為

太宗武帝為世宗如舊餘帝不祀四時春以正月夏以

四月秋以七月冬以十月及臘一歲五祀靈帝時京都

四時所祭高廟五主世祖廟七主成帝三陵追尊后三

陵凡牲用十八太牢古不墓祭漢諸陵皆有園寢承秦

所爲也說者以爲古宗廟前制廟後制寢以象人君之  
居前有朝後有寢月令有先薦寢廟詩穉寢廟奕奕言  
相通也廟以藏主以四時祭寢有衣冠几杖象生之具  
以薦新物秦始出寢起於墓側漢因而弗改故陵上稱  
寢殿起居衣服象生人之具古寢之意也建武以來關  
西諸陵以轉久遠但四時特牲祠帝每幸長安謁諸陵  
乃太牢祠自洛陽諸陵至靈帝皆以晦望二十四氣伏  
臘及四時祠廟日上飯大官送用物園令食監典省其  
親陵所宮人隨鼓漏理被枕具盥水陳嚴具○魏初高  
堂隆云按舊典天子諸侯月有祭事其孟則四時之祭  
也三牲黍稷時物咸備其仲月季月皆薦新之祭也大  
夫以上將之以羔或加以犬而已不備三牲也士以豚  
庶人則唯其時宜魚鴈可也皆有黍稷禮器曰羔豚而  
祭百官皆足太牢而祭不必有餘羔豚則薦新之禮也  
太牢則時祭之禮也詩云四之日其蚤獻羔祭韭周之  
四月則夏之二月也月令仲春天子乃獻羔開冰季春  
之月天子始乘舟薦鮪仲夏之月天子乃嘗魚咸薦之  
寢廟此則仲春季月薦新之禮也蜀誰周禮祭集志曰天子之廟始祖及高  
曾祖考皆月朔加薦以象平生朔食也謂之月祭祧之  
廟無月祭也凡五穀成熟珍物新成天子以薦宗廟禮  
未薦不敢食新孝敬之道也其月朔薦及臘  
薦薦新皆奠無尸故羣廟皆一朝之間盡畢○宋四時

通典

卷九

禮九

五

祭祀將祭必先夕牲皇帝散齋七日致齋三日百官掌事者亦如之致齋之日御太極殿幄坐著絳紗袍黑介幘通天金博山冠祠之日車駕出百官應齋從駕畱守壇先置者各依宣攝從事上水一刻皇帝著平冕龍袞服升金根車到廟北門理禮謁者各引太樂令太常光祿勳三公等皆入在位皇帝降車入廟脫烏盥及洗爵訖升殿初獻奠爵樂奏太祝令跪讀祝文訖進奠神座前皇帝還本位博士引太尉亞獻訖謁者又引光祿勳終獻皇帝不親祠則三公行事而太尉初獻太常亞獻光祿勳終獻○齊永明元年正月詔太廟四時祭薦宜

通典

卷九

禮九

六

皇帝麩起餅鴨臠孝皇后筍鴨卵脯醬炙白肉高皇帝薦肉膾菹羹昭皇后茗糲炙魚皆所嗜也

此皆當時所上無典禮之

制先是世祖夢太祖曰宋祖諸帝嘗太廟從我求食可別爲吾祠帝乃赦章郡王妃庾氏四時還青溪宮舊宅處內合嘗奉二后牲牢服章用家人禮○梁武帝宗廟四時及臘一歲五享天監十六年詔曰夫神無常享享於克誠所以西鄰祔祭實受其福宗廟祭祀猶有牲牢無益至誠有累冥道自今四時烝嘗外可量代八座議以大脯代一元大武八座又奏旣停宰殺無復省牲之事請立省饌儀其衆官陪列並同省牲帝從之又詔今

雖無復用腥猶有脯脩之類卽之幽明義猶未盡可更詳定悉薦時蔬左丞司馬筠等參議大餅代脯餘悉用蔬菜帝從之又舍人朱异議二廟祀相承止有一鉞羹蓋祭祀之禮應有兩羹相承止於一鉞卽禮爲乖請加熬油蕪羹一鉞帝從之於是至敬殿景陽臺立七廟座月中再設淨饌自是訖於臺城破諸廟遂不血食○陳制一歲五祠謂春夏秋冬臘也每祭共以一太牢始祖以三牲首餘唯骨體而已○後魏孝文皇帝太和六年十一月將親祀七廟有司依禮具儀於是羣官議曰昔有虞親虔祖考來格殷宗躬謁介福攸降大魏七廟之

通典

卷九

禮九

七

祭依先朝舊事多不親謁今陛下孝誠發中思親執祀稽合古義禮之常典臣等謹按舊章并采漢魏故事撰祭服冠履牲牢之具壘洗篚簋俎豆之器百官助祭位次樂官節奏之引升降進退之法別集爲親拜之儀制可於是帝乃親祭其後四時常祀皆親之十六年詔曰夫四時享祀人子常道然祭薦之禮貴賤不同故有邑之君祭以首時無田之祀薦以仲月況七廟之重而用中節者哉自頃烝嘗之禮頗違舊義今將仰遵遠式以此孟月時祔於太廟但朝典初改衆務殷湊無遑齋潔遂及於今又接神享祖必須擇日今禮律未宜有司或

不知此可敕太常令剋日以聞○北齊制春祠夏祔秋嘗冬烝皆以孟月凡四祭每祭室一太宰武成帝始以皇后亞獻河清中定令四時祭廟及元日廟庭竝設庭燎二所○後周之制其四時祭各於其廟亦以皇后亞獻其儀南北齊同所異者皇后亞獻訖又薦加豆之籩其實菱芡芹菹兔醢冢宰終獻訖皇后親徹豆降還版濟然後太祝徹焉○隋四時之祭各以太宰四時薦新於太廟有司行事而不出神主祔祫之禮竝準時享○大唐四時各以孟月享太廟室各用一太宰若品物時新堪進御者有司先送太常令尙食相知簡釋務令潔淨仍以滋味與新物相宜者配之太常卿及少卿一人奉薦太廟卿及少卿有故卽差五品以上攝有司行事不出神主仲春薦冰亦如之

通典

卷九

禮九

八

祫禘上

虞

夏

殷

周

後漢

魏

晉

東

古者天子諸侯三年喪畢皆合先祖之神而享之以生有慶集之歡死亦應備合食之禮緣生以事死因天道之成而設禘祫之享皆合先祖之神而享之○虞夏先王崩新王元年二年喪畢而祫三年春特祔夏特禘秋特嘗冬特烝四年春特祔夏祫禘秋祫嘗冬祫烝每間歲皆然以終其代高堂隆云喪以奇年畢則祫亦常在奇年偶年畢則祫亦常在偶年○

殷先王崩新王二年喪畢而禘三年春特禘夏特禘秋

特嘗冬特烝四年春特禘夏禘秋禘嘗冬禘烝開歲奇偶

如虞夏按殷改虞夏春禘曰禘又改禘為禘按郊特牲春禘秋嘗則殷祭

三年喪畢禫祭之後乃禘於太祖來年春禘於羣廟毀

廟未毀廟皆合升於太祖禘則不及親廟但文武以下

毀主依昭穆於文武廟中祭之王季以上於后稷廟祭

之知先禘後禘者按春秋魯僖公宣爾後五年再殷祭

公定公皆八年而禘以再殷祭推之

一禘一禘所以喪必有此禘禘者為後再殷之祭本也

喪畢之禘禘之本明年之禘禘之本也從此

後各自數每至二年則各為之故得五年禘以夏禘以

再殷祭因以法五歲再禘閏天道大成也

秋詩閏官傳云諸侯夏禘則不禘秋禘則不嘗唯天子

兼之是也崔靈恩云禘以夏者以審禘昭穆序列尊

卑夏時陽在上陰在下尊卑有序故大次第而祭之故

禘者禘也第也禘以秋者以合聚羣主其禮最大必秋

時萬物成熟大合將禘祭前期十日之前夕肆師告其

而祭之禘者合也

太宰太宗太史帥執事而卜日既卜司隸隸僕修除糞

灑其廟將祭前夕於太廟南門之外展牲庖人告牲太

宰視滌濯祭器寧次於廟門外之東設主人及公卿以

下次幕其尸次兼設幄掌次云凡祭祀張其旅幕張尸次鄭元曰旅衆也公卿以下卽

位所祭祀之門外以待事為之張大幕尸次百司所供

則有幄鄭司農云尸次尸所居更衣帳

之物皆至廟門外司徒奉牛牲司馬奉羊牲司空奉豕

牲每廟各一牢按公羊傳周公白牡魯公騂剛羣公不毛是各牲也司烜氏以夫

燧取明火於日以照饌以鑑取明水於月以加五齊欲

陰陽之潔氣也加謂於上陳之籩人陳四籩之實朝事之籩有饗熬麥音

通典 卷九 禮九 九

豐熬泉白熬黑黍形鹽鹽之似臘臘生魚為大鮑魚

鮪者於福室中糲乾之魚脯鮪音所求反饋食之籩其實有棗栗

桃乾榛乾梅也榛實似栗而小加籩之實菱芡栗脯四物各

八籩羞籩之實糲餌粉飡謂粉稻米黍米合蒸之為餌

以糲粉藉之糲音大也醢人掌四豆之實朝事之豆其實韭蒹

醢音穉昌本麋昌本昌蒲根也切之四寸為菁菹

鹿藿茅菹麋菁蔓菁饋食之豆其實葵菹羸音羸醢脾

析麋蒲佳醢脾析牛百蜃蚶醢蛤也豚拍魚醢豚膊加

豆之實芹菹兔醢深蒲醢醢深蒲蒲始菹菹鴈醢菹音

臺筍竹筍菹魚醢筍也羞豆之實醢食糗食醢音也小切狼

通典卷第禮九十

為糗糲取牛羊豕之肉三如一小切之與稻音

米二肉一合以為餌煎之醢音移昌欲反醢人共供

同五齋七菹醢醬等鹽人共苦鹽類散鹽今海鹽也小史敘

昭穆之俎簋酒正共五齊三酒以實八罇司罇彝共牢

俎彝黃彝司罇彝云秋嘗冬烝祿用罍彝黃彝注罍彝

罇上以禮罍人共畫布巾以罍之烹人共鼎鑊及大羹

及蕭茅蕭茅則納於鄉師鄉師得而凡后所陳薦玉盥

玉敦對音等物皆九嬪共之獻尸之瑤爵等內宰共之天

府陳國之玉鎮大寶器陳於東西序命者是也九服內

諸侯及夷狄等來助祭所貢方物珍異等皆陳廟庭共

几筵司几筵云吉事變几禭於室饋食於堂釋於祔席每事易几神事文示新也

皆以莞筵紛純加縹席畫純加次席黼純左右玉几紛如

綬有文而狹者縹席則制蒲翦展之編以五綵若今合歡矣畫謂雲氣次席桃枝席有次列成文司服

共享先王則袞冕享先公則鷩冕尸服亦然凡百司所

共之物皆太史校數之及教所當置處太史職云祭之日執書以次位

是常王所乘輅雞人呼晨司樂宿懸等一如圜丘其日夙

興陳酒齊等室中近北陳鬱鬯鬱鬯之南陳明水明水

之南室戶之內陳泛齊醴齊盎齊室戶之外堂上陳醴

齊而已次堂下陳沈齊沈齊之南陳元酒元酒之南陳

事酒昔酒清酒於是大宗伯出高祖以下木主守祧出

通典卷九禮九士

先王先公祧主皆入太祖后稷廟中於室之奧西壁下

東面布太祖后稷位尸在東北面太祖之子於席前之

北南面為昭及昭之子在南方北面相對為穆以次而

東孫與王父竝列直至禰其尸各居木主之左凡七尸

七尸者逸禮文按禮器云周旅酬六尸鄭元云后稷尸發爵不受旅是也用九獻王服袞冕

而入奏王夏后服副禕從王而入則奏齊夏次尸入奏

肆夏祭統曰君迎牲而不迎尸別嫌也王乃珪瓚酌羊彝鬱鬯以授尸

尸受之灌地祭之以降神乃啐之奠之此為求神之始

也此為一獻樂章歌九功之德詩用清廟次后以璋瓚酌黃彝之鬱

鬯以亞獻尸亦祭之啐之奠之此為二獻次奏黃鍾為

宮大呂爲角太蕤爲徵應鍾爲羽路鼓路鼗陰竹之管  
龍門之琴瑟九德之歌九韶之舞於宗廟之中奏之若

樂九變則人鬼可得而禮矣人鬼則主后稷先奏是樂以致其神然後合樂而祭

焉路鼗四面鼓也九德之歌春秋所謂六府三事也九功之德皆可歌樂陰竹生山北者龍門山名九韶當爲

大韶前裸及樂皆爲求神謂之二始以周人尙臭故以鬯

臭次王出迎牲入奏昭夏郊特牲云既灌然後迎牲王親牽牲大夫

贊執幣而從禮器注云納牲於庭時也當用幣以告神而殺牲乃以牲告庭云

博碩肥膋禮器云納牲詔於庭是也王乃親執鸞刀啓其血毛謂耳傍毛

也以授於祝祝入告神於室幽全之義也禮器注云血毛詔於室是

也幽謂血全謂色純也乃延太祖尸主坐於室戶外之西南面主

在其右亦南面昭在東穆在西相向而坐主各在其右

王乃親射牲而殺之以行朝事之禮乃延尸於戶西南

面取牲胙骨燎於鑪炭洗肝於鬱鬯而燔之入以詔神

於室又出以墮於主墮謂分減肝骨以祭主墮音許規反次乃升牲首於

室中置於北墉下尊者尙氣乃薦腥肉於尸主前謂之朝踐

之禮王乃以玉爵酌泛齊以獻尸謂之朝踐之獻凡三

獻后於是薦朝事之籩豆時堂上以大呂之調歌清廟

之詩堂下以黃鍾之調作大武之樂奏大武之時則歌

維清及大武之詩詩序云維清奏象舞也武奏大武也獻后稷尸時樂同

降神樂章則歌思文詩序云思文后稷配天也獻先王先公則大司

通典 卷四九 禮九 三

樂云奏無射歌夾鍾舞大武以享先祖

先王先公樂章則歌

天作詩序云天作祀先王先公

獻文王尸歌清廟

詩序云清廟祀文王

獻武王

尸歌執競詩序云執競祀武王

樂同先王先公

凡歌皆大司樂帥瞽人登歌之時小

師先擊拊堂下管奏時先鼓棘音允

后薦之後遂以瑤爵酌著罇之醴齊

以亞獻凡四獻也於是堂下樂亦作時王從東階而西

酌以獻尸后則從西而東酌獻尸

按禮器云君西酌犧象夫人東酌壘罇禮

交動乎上樂交應乎下

至將薦熟時先以所薦之饌設於堂以告

尸主禮器云設祭於堂鄭元云設饌於堂人君禮

時祝以筭爵酌奠於饌之

右鄭元注郊特牲云天子莫純犛

此時又取豚膋及黍稷蕤於薺蒿令

臭陽達於牆室既乃迎尸入室各卽席祝取向時所奠

通典

卷九

禮九

三

筭爵將祭之祝乃詔王拜尸以安之尸遂坐祭酒啐之

奠之於是王又以玉爵酌壺罇盞齊以獻尸謂之再獻

凡五獻也時后薦饋食之籩豆薦訖乃以瑤爵酌壺罇

醴齊以亞獻凡六獻也

每獻作樂如初

尸乃食食訖王以玉爵

酌朝踐著罇之泛齊以酌尸謂之朝獻凡七獻也

司罇彝云

朝獻用兩著罇元云變朝踐爲朝獻罇相因

后乃薦加事豆籩尸飲訖授祝

司凡筮

祝酌清酒以授尸尸以酢王乃設酢席於戶內

司凡筮

王酢席亦如之鄭元注云尸卒食王酌之卒爵祝受之又酌授尸以酢王於是席王於戶內后及諸臣已下致

爵乃設席於是后以瑤爵酌壺罇醴齊以獻尸謂之再獻凡

八獻也鄭元注司罇彝云王酌尸之後后酌亞獻

大祝乃設饌於廟門外之

西室以索祭名爲祊

郊特牲云索祭祝於祊是也綠此處生平待賓客之處故廣求

九獻王乃冕而總干戚率羣臣王在東舞大武樂皇尸

所謂

又皮弁而舞大夏兼作六代之樂遂行加爵爲旅

酬之始

禮器云周旅酬六尸是也

加爵者謂太子所謂上及三公之

長一人九卿之長一人用璧角酌沈齊各行一加爵按

牢特牲之祭加爵但止於三通前凡十二獻亦得做天數也明堂位云加以璧散璧角也然後煇胞

上許春反

翟闔等皆有所賜予於來日又祭名爲釋亦

謂之祊爾雅云釋又祭也春秋云壬午猶釋杜注云先祭明日之釋祭也謂之祊

者以於廟門之傍因名焉其禮先設饌於廟門外之西

室而事尸於堂其祭室之禮簡而事尸禮大以孝求神

通典

卷九

禮九

七

非一處也不知神之所在於彼乎於此乎其禘祭前期

十日肆師太宰以下卜日之儀如禘祭其典祀糞灑充

人展牲太宰既濯前夕告期享次設次三公奉牲牢司

烜共明水及籩人等共醢醢羶人共羶烹人陳鼎鑊舍

人共盥簋甸師氏共盥盛蕭茅九嬪內宰共后玉盥玉

敦典瑞共裸珪璋天府陳國寶司几筵陳几席司服共

祭服典輅出玉輅司樂宿懸王及牲尸等用樂王后副

禘九獻之節廟堂之樂所用樂章裸獻之儀璧角之加

爵朱干玉戚之親舞血腥爛熟之先後告堂告室之差

次膊骨制祭祊室釋堂一如禘祭所異者但祭毀廟以

上不及親廟詩周頌云雍禘太祖也鄭箋云禘大祭也

廟禮云毀廟之主皆升合食而立一尸又韓詩其神主

內傳云禘取毀廟之主皆升合食於太廟是也

位按鄭元禘祫志云太王王季以上遷主祭於后稷之

廟其坐位與祫祭同文武以下遷主若穆之遷主祭於

文王之廟文王居室之奧東面文王孫成王居文王之

東而北面以下穆王直至親盡之祖以次繼而東皆北

面無昭主若昭之遷主祭於武王之廟武王亦居室之

奧東面其昭孫康王亦居武王之東而南面亦以次繼

而東直至親盡之祖無穆主也其尸后稷廟中后稷尸

一昭穆尸各一文王廟中文王尸一穆尸共一武王廟

通典

卷九

禮九

五

中武王尸一昭尸共一

逸禮稱二尸圖據文武之廟及太祖昭穆而言也其實太祖文

武廟三尸也故云獻昭尸如穆尸之禮

其五齊自醴齊而下四齊而已無

泛齊酒亦三酒所陳設之處所加之明水元酒等一如

禘祭於文王之廟無降神之樂

故大司樂云黃鍾為宮以下等樂云若九變人

鬼可得而禮矣鄭元云人鬼謂后稷也迭奏是樂以其致其神禮之以玉然後合樂而祭焉則不據文武也

裸罇用雞彝鳥彝

司罇彝云春祠夏祔祫用兩雞彝鳥彝以禘在夏故也朝踐用兩

犧罇再獻用兩象罇其迎尸出在堂之時其后稷文武

之尸皆南向餘尸主於室中之左右也

謂后稷以下昭穆昭西面穆東

面文王以下穆主在西東面武王以下昭主在東西面也

合樂時作四代之樂其祭

禮后稷文王武王廟中每廟各一日

凡祭之禮質明行祿謂之晨祿次朝

踐次乃饋熟以下是每廟各行上禮以其禮煩難可一日而畢又乖朝踐之義釋祭則同一日可同日而畢○議曰聖人制禮合諸天道使不數不怠

故有四時之祭焉而又設殷祭者因天道之成以申孝敬之心用盡事終之禮禘祫二禮俱是大祭先賢所釋

義各有殊馬融王肅皆云禘大祫小鄭元注二禮以祫大禘小賈逵劉歆則云一祭二名禮無差降數家之說

非無典據至於弘通經訓鄭義爲長嘗試論之以禮經及春秋所書皆祫大於禘按春秋公羊傳云大事於太

廟大事者祫也祫者毀廟之主陳於太祖未毀廟之主皆升合食於太祖至於禘則云禘於莊公禘於僖公既

通典

卷九

禮九

六

不於太祖則小於祫也又按禮記祫於太廟之禮云毀

廟之主升合食而立二尸又按韓詩內傳云禘取毀廟之主皆升合食於太祖則禘小於祫也祫則羣廟之主

悉升於太祖廟禘者各於其廟而行祭禮二祭俱及毀主禘之時文王以上毀主自在后稷廟而祭文王以下

毀主自在二祧之廟而祭禘之以祫用得爲毀禘則小於祫而大於四時也曾子問主夫子云自非祫祭七廟

五廟無虛主而不言禘小於祫明矣其祫則備五齊三酒禘惟四齊三酒祫則備用六代之樂禘則四代而下

又無降神之樂以示其闕也○後漢光武建安二十六

年詔問張純禘祫之禮不行幾年純奏舊制三年一祫毀廟之主合食高廟存廟主未嘗合元始中始行禘禮

父為昭南嚮子為穆北嚮父子不竝坐而孫從王父決疑

要注曰始祖東面父南面故曰昭昭明也子北面故曰穆穆順也禘之為言諦也是審

諦之義以夏四月陽氣在上陰氣在下故正尊卑之義

祫以冬十月五穀成熟物備禮成故合聚飲食祖宗廟

未定且合祭高廟為常後以三年冬祫五年夏禘之時

但就陳祭毀廟主而已謂之殷太祖東面惠文武元四

帝為昭景宣二帝為穆惠景昭三帝非殷祭時不祭也

○魏明帝太和六年尚書難王肅以曾子問唯祫於太

通典 卷九

禮九

七

祖羣主皆從而不言禘知禘不合食肅答曰以為祫禘

殷祭羣主皆合舉祫則禘可知也袁準正論曰先儒或

為同或為異然祫及壇墠禘及郊宗石室此所及近遠

之殺也大傳曰禮不王不禘諸侯不禘降於天子也若

禘祫同貫此諸侯亦不得祫非徒不禘也武宣皇后太

和四年六月崩至六年三月有司以今年四月禘告王

肅議曰今宜以崩年數按春秋魯閔公二年夏禘於莊

公是時纒經之中至二十五日大祥便禘不復禫故譏

其速也去四年六月武宣皇后崩二十六日晚葬除服

卽吉四時之祭皆親行事今當計始除服日數當如禮

須到禋月乃禘趙怡等以爲皇帝崩二十七月之後乃得禘禘王肅又奏如鄭元言各於其廟則無以異四時常祀不得謂之殷祭以粢盛百物豐衍備具爲殷之者夫孝子盡心於事親致敬於四時比時具物不可以不備無緣儉於其親累年而後一豐其饌夫謂殷者因以祖宗竝陳昭穆皆列故也設以爲毀廟之主皆祭謂殷者夫毀廟祭於太祖而六廟獨在其前所不合宜非事之理近尙書難臣以曾子問唯禘於太祖羣主皆從而不言禘知禘不合食臣答以爲禘禘殷祭羣主皆合舉禘則禘可知也論語孔子曰禘自既灌而往者吾不欲

通典

卷四九

禮九

六

觀之矣所以特禘者以禘大祭故欲觀其成禮也禘禘大祭獨舉禘則禘亦可知也於禮記則以禘爲大於論語則以禘爲盛進退未知其可也漢光武時言祭禮以禘者毀廟之主皆合於太祖禘者唯未毀之主合而已矣鄭元以爲禘者各於其廟原其所以夏商夏祭曰禘然其殷祭亦名大禘商頌長發是大禘之歌也至周改夏祭曰禘以禘唯爲殷祭之名周公以聖德用殷之禮故魯人亦遂以禘爲夏祭之名是以左傳所謂禘於武宮又曰烝嘗禘於廟是四時祀非祭之禘也鄭斯失矣至於經所謂禘者則殷祭之謂鄭據春秋與大義乖

按

和八年用 袁準曰禘及壇墀禘及郊宗石室此所及遠

近之殺也大傳曰禮不王不禘諸侯不禘降殺於天子也若禘禘同貫此諸侯亦不得禘也然則禘大而禘小謂禘爲殷祭者大於四時皆大祭也國語曰禘郊不過繭栗烝不過把握明禘最大與郊同也公羊傳曰大事者何禘也毀廟之主陳於太祖未毀廟之主皆升合食乎太廟何謂也曰夫禘及壇墀則毀廟也俱祭毀廟但所及異耳所及則異毀與未毀則同此論者所惑鄭謂不同是也謂禘不及毀廟則非也劉歆賈逵同毀與未毀是也不別禘禘遠近則非也○晉武帝太始中尙書

通典

卷九

禮九

五

杜元凱議稱易曰上古之代喪期無數自殷高宗諒闇三年不稱服喪三年而稱諒闇三年此釋服心喪之謂大戴篇曰昔武王崩成王十三而嗣立周公居冢宰攝政明年六月既葬周公冠成王而朝於祖以見諸侯命祝雍作頌是三年之內時明矣故今禘祀烝嘗於是行焉昔仲尼之制春秋也因魯史以明王法喪中之祥禘譏貶之文著焉

徐禘按杜議行武皇盛明之朝其左傳解云亦三年之喪禮畢而禘○東

晉昇平五年五月穆帝崩十月殷興寧三年二月哀皇

帝崩明帝太和元年五月皇后庾氏崩

廢帝海西公后也

十月

殷此哀皇帝再周之內太元二十一年十月應殷其年

庾氏既葬之後殷也

九月孝武崩至降安三年國家大吉乃循殷事元興三年夏應殷太常博士徐乾等議應用孟秋進用孟冬時孔安國云自太和四年已後殷祭皆用冬夏復詳徐乾議用孟秋非失也安帝義熙三年當殷御史中丞范泰議以章后喪未一周不應殷祠時從

太常劉瑾議小君之喪不以廢大禮泰議曰今雖既祔之後得以烝嘗而

無殷祭之禮有喪薦廢吉祭祭新主於寢今不設別寢既祔遂祭於廟故四時烝嘗以寄追遠之思三年一禘以習昭穆之序義本各異三年喪畢則合食太祖過時而殷無取於限三十月也隆安之初以喪而廢矣瑾議曰臣尋昇平已後殷祭皆在周內永和十年至今五十餘載三十月輒殷是依禮五年再殷而泰言非當若臣啟不允則初元帝元興三年四月不得殷祀進用十月責失奏彈

若計常限今當用冬若更起端則應四月時尚書奏從

通典 卷九 禮九

領司徒王謚議反初四月為殷祠之始謚議曰有非常之慶必有非常

之禮殷祭舊準不差至於義熙之慶經古莫二雖曰反正理同受命愚謂履運唯新於是乎始宜用四月太常劉瑾議殷無定月考時致敬其禮意尚簡去年祠雖於日有差而情典允備宜仍以為正徐乾議三年一禘五年一禘經傳記籍不見補殷之文著作即徐廣議若用三十月今則應用四月於時有殷而遷在冬從太元元年十月殷祠若用常三十月今則應用二年四月是追討辛未歲十月未合六十月而再殷劉澗之等議太元元年四月應殷而禮官墮失遂用十月博士陳舒表三本非正朝以失為始尚書奏從謚議

歲一閏五年祭八年又殷兩頭如四實不盈三又十一

年殷十四年殷凡閏合二則十年四殷與禮五年再殷

其議合矣博士徐禪議春秋左氏傳曰歲祿及壇墠終

禘及郊宗石室許慎稱舊說曰終者謂孝子三年喪終

則禘於太廟以致新死者也徐邈議禮五年再殷凡六  
十月分中每三十月殷也太學博士曹述初難云三年  
之喪其實二十五月則五年何必六十月禮天子特祫  
三時皆祫禘祫雖有定年而文無定月按明堂位夏六月以禘禮祀周  
公則今之四月七月至孟獻子禘其祖則今之逸答曰  
五月春秋文公二年大事於太廟則今之六月  
五年再殷象再閏無取三年喪也祫三時皆可者蓋喪  
終則吉而祫服終無常故祫隨所遇唯春不祫故曰特  
祫非殷祀常也禮大事有時日故烝嘗以時況祫之重

北行南向穆

賀循祫祭圖  
太祖東向昭

通典

卷九

禮九

三

通典卷第五十

唐 京兆杜佑君卿纂

禮十 吉九

禘祫下 宋 梁 後魏 大唐

宋制殷祭皆卽吉乃行武帝永初三年九月十日奏傅亮議權制卽吉聖代宜耳文帝元嘉六年祠部定十月

三日殷祀十三烝禮

太學博士徐道娛議曰按禘祫之禮三年一五年再在四時禮也周

禮仲冬享烝月令季秋嘗稻晉以春烝曲沃齊十一月嘗太公此並孟仲區分不共之文明矣尋殷烝祀重祭薦禮輕輕尚異月重寧反同且祭不欲數數則顯今隔旬頻享於禮為煩 孝武建元元年十一月

一月有司奏依舊令今年十月是殷祠之月

領曹郎范義參

通典

卷五

禮十

一

議依永初三年例須再用之外殷祭尋祭再用來二年三月若以四月殷則猶在禘內下禮官議正國子助教蘇偉生議按禮三年喪畢然後禘於太祖又云三年不祭唯祭天地社稷為越禘而行事且不禘卽祭見議於春秋求之古禮喪服未終故無禘享之義自漢以來一從權制宗廟朝聘莫不皆吉太學博士徐宏議三年之喪雖從權制再用詳變猶服編素未為純吉無容以祭謂來年四月未宜便殷十月則允太常丞朱膺之議虞禮云中月而禘是月也吉祭猶未配謂二十七月既禘祭當四時之祭月則未以其妃配哀未忘也推此未禘不得祭也春秋閔公二年吉禘於莊公鄭注云閔公心懼於難務自尊大以厭其禍凡二十二月而除喪又不禘明禘內不得禘也按舊說三年喪畢遇禘則禘遇禘則禘鄭元云禘以孟夏禘以孟秋今相承用十月如宏所上公羊之文亦以魯閔因紀制耳何必全許素冠可吉禘郎中周景遠參議永初三年九月十日傅亮議曰權制卽吉聖代宜耳宗廟大禮宜依舊古典謂大明七年二月有司奏四月應殷祀若事中未得用孟秋

領軍長史

周景遠議按禮記云天子禘禘禘嘗禘禘則夏秋冬皆殷晉義熙初僕射孔安國議自太和四年相承殷祭皆用冬夏又云永和十年至今五十餘年用三十月輒殷祀博士徐乾據難安國又引晉成康六年七月殷祀是不專用冬夏時雖不從乾議而安國無以奪之今若以來年四月未得殷祀遷用孟秋於禮無違詔可○

梁武帝初用謝廣議三年一禘五年一禘謂之殷祭禘以夏禘以冬○後魏孝文帝太和十三年詔鄭元云天子祭圓丘曰禘祭宗廟大祭亦曰禘三年一禘五年一禘禘則毀廟羣廟之主於太祖廟合而祭之禘則增及百官配食者審諦而祭之魯禮三年喪畢而禘明年而禘圓丘宗廟大祭俱稱禘祭有兩禘明也王肅又云天子諸侯皆禘於宗廟非祭天之祭郊祀后稷不稱禘宗

通典

卷五

禮十

二

廟稱禘禘禘一名也合祭故稱禘禘而審諦之故稱禘非兩祭之名三年一禘五年一禘總而互舉故稱五年再殷祭不言一禘一禘斷可知矣諸儒之說大略如是公卿可議其是非尚書游明根言曰鄭氏之議禘者大祭之名大祭圓丘謂之禘者審諦五精星辰也大祭宗廟謂之禘者審諦其昭穆百官也圓丘常台不言禘宗廟時合故言禘斯則宗廟禘禘並行圓丘一禘而已宜於宗廟俱行禘禘之禮二禮異故名殊依禮春廢特禘於嘗於烝則禘嘗禘烝不於三時皆行禘禘之禮中書監高閭又言禘祭圓丘與鄭義同者以爲有虞禘黃帝

黃帝非虞在廟之帝不在廟非圓丘而何又大傳云祖其所自出之祖又非在廟之文論語稱禘自既灌以往爾雅稱禘大祭也諸侯無禘禮唯夏祭稱禘又非宗廟之禘魯行天子之儀不敢專行圓丘之禘改殷之禘取其禘名於宗廟因先有禘遂生兩名其宗廟禘禘之祭據王氏之義禘而禘禘止於一時一時者祭不欲數一歲三禘愚以爲過數詔曰明根閭等據二家之議論禘禘詳矣至於事取折衷猶有未允閭以禘禘爲名義同王氏禘祭圓丘事與鄭同無所聞然明根以鄭氏等兩名兩祭竝存竝用理有未稱俱據二義一時禘禘而闕

通典

卷十

禮十

三

二時之禮事有難從先王制禮內緣人子之情外協尊卑之序故天子七廟數盡則毀藏主於太祖之廟三年而禘祭之代盡則毀以示有終之義三年而禘以申追遠之情禘禘既是一祭分而兩之事無所據毀廟三年一禘又有不盡四時於禮爲闕七廟四時常祭禘則三年一祭而又不究四時於情爲簡王以禘爲一祭王義爲長鄭以圓丘爲禘與宗廟大祭同名義亦爲當今互取鄭王二義禘禘并爲一名從王禘是祭圓丘大祭之名上下同用從鄭若以數則曠五年一禘改禘從禘五年一禘則四時盡禘以稱今情則旅天禮文先禘而後

時祭便卽施行著之於令永爲代法宣武帝景明中祕書丞孫惠蔚上言魏明帝以景初三年正月崩至廢帝正始二年積二十五晦爲大祥有司以爲禫在二十七月到其年四月依禮應禘王肅以爲祥月至其年二月宜應禘祭雖各異議至於喪畢之禘明年之禘其義一焉請取鄭捨王禫終此晦來月中旬禮應大禘六室宗禘升食太祖明年春享咸禘羣廟自茲以後五年爲常又古之祭法時禘竝行天子先禘後時諸侯先後禘此施古爲當在今則煩且禮有升降事有文質適時之制聖人弗違當禘之月宜減時祭從之延昌四年正月宣武帝崩孝明卽位三月時議來秋七月應禘祭於太祖太常卿崔亮上言曰今宣武皇帝主雖入廟然烝嘗時祭猶別寢室至於殷禘宜存古典按禮三年喪畢禘於太祖明年春禘於羣廟又按杜元凱云卒哭而除三年喪畢而禘魏武皇后以太和四年六月崩其月旣葬除服卽吉四月行事而猶未禘王肅以爲旣除卽吉故特時祭至於禘禘宜存古禮高堂隆如肅議於是停殷祭又仰尋太和二十三年四月孝文帝崩其年十月祭廟景明元年七月禘於太祖三年春禘於羣廟亦三年乃禘準古禮及晉魏之議并景明故事愚謂來秋七月

通典

卷五

禮十

四

禘祭應停宜待三年終乃後禘禘從之○大唐前上元  
三年有司禘享於太祖廟時議者以禮緯三年一禘五  
年一禘公羊傳云五年而再殷祭兩義互文莫能決斷  
大學博士史元璨議曰按禮記正義列鄭元禘禘志云  
春秋僖公三十三年十二月薨文公二年八月丁卯大  
享於太廟公羊傳云大享者何禘也是三年喪畢新君  
二年當禘明年春禘於羣廟僖公宣公八年皆有禘則  
後禘去前禘五年以此定之則新君二年禘三年禘自  
爾之後五年而再殷祭則六年當禘八年當禘又昭公  
十年齊歸薨至十三年喪畢當禘爲平邱之會冬公如  
齊至十四年禘十五年禘傳云有事武宮是也至十八  
年禘二十年禘二十三年禘二十五年禘昭公二十五  
年有事於襄宮是也如上所云則禘後隔三年禘以後  
隔二年禘此則有合禮經不違傳義自此禘禘之祭依  
璨議開元六年秋獻宗皇帝喪畢禘享於太廟自後相  
承三年一禘五年一禘各自計年不相通數至二十七  
年凡經五禘七禘其年夏禘訖冬又當禘太常議曰禘  
禘二禮俱爲殷祭禘謂合食祖廟禘謂禘序尊卑申先  
君逮下之慈成羣嗣奉親之孝事異常享有時行之而  
祭不欲數數則黷亦不欲疏疏則怠故王者法諸天道

制祀典焉。烝嘗象時禘禘如閏天道大成宗廟法之再爲殷祭者也。謹按禮記王制鄭元注周官宗伯竝云國君嗣位三年喪畢禘於太祖明年禘於羣廟自爾以後五年再殷一禘一禘漢帝故事貞觀以後竝用此禮以爲三年一閏天道大備故也。此則五年再殷通計其數一禘一禘迭相乘矣。今太廟禘禘各自數年兩歧俱不通計。或比年頰合或同歲再序或一禘之後併爲再禘或五年之內驟有三殷法天象閏之期既違其度五歲再殷之祭數又不同求之禮文頗爲乖失。夫以法天之度既有指歸稽古之禮若茲昭著禘禘二祭通計明矣。

通典

卷十

禮十

六

今請以開元二十七年己卯四月禘至辛巳十月禘至甲申四月又禘至丙戌年十月又禘至己丑年四月又禘至辛卯年十月又禘自此五年再殷周而復始又禘禘之說非唯一家五歲再殷之文既相師矣。法天象閏之理大抵亦同而禘後置禘或近或遠盈縮之度有二法焉。鄭元高堂隆則先三而後二徐邈之議則先二而後三。謹按鄭氏所序先三之法約三禘五禘之文以爲甲年既禘丁年當禘己年又禘壬年又禘甲年又禘丁年又禘周而復始以此相承禘後去禘十有八月而近禘後去禘四十二月而遙分析不均粗於算矣。假如攻

乎異端置禘於秋則三十九月爲前二十一月爲後雖  
小有愈其閒尙偏竊據本文皆云象閏二閏相去則平  
分矣兩殷之序何不等耶且又分三等之言本舉全數  
二周有半實枕三年於此置禘不違文矣何必拘滯三  
正乎蓋千虜一失通儒之蔽徐氏之議有異於是研覆  
周審最爲憑準以二禘相去爲月六十中分三十置一  
禘焉若甲年旣禘丙年冬禘己年夏禘辛年冬禘有象  
閏法毫釐不偏三年一禘之禮旣無乖越五歲再殷之  
制疏數又均校之諸儒義實長矣今請依據以定二殷  
先推祭月周而復始時皆以其議爲允十七年四月十

通典

卷五

禮十

七

日禘享太廟九室命有司攝行禮

初唐禮禘序昭穆禘各於其室時禮官太

常卿韋條等奏曰準古禮五年再殷祭一禘一禘其義合琛昭穆定次序又孔安國王肅等先儒皆以爲昭穆唯鄭元云禘各於其室若如鄭旨卽與常享不異恐鄭說謬於周經請依古禮王肅等議序列昭穆

天寶

八載閏六月五日赦文禘禘之禮以存序位質文之變  
蓋取隨時國家系本仙宗業承聖祖重熙累盛旣錫無  
疆之休合掌登神思弘不易之典自今以後每禘禘並  
於太清宮聖祖前設位序正上以明陟配之禮欽若元  
宗下以盡虔恭之誠無違至道比來每緣禘禘則時享  
暫停事雖適於從宜禮或虧於必備以後每緣禘禘其  
常享無廢享以素饌三焚香以代三獻建中二年九月

太常博士陳京上疏言今年十月祫享太廟并合享遷  
廟獻祖懿祖二神主春秋之義毀廟之主陳於太祖未  
毀廟之主皆升合食於太祖則太祖之位在西而東嚮  
其下子孫昭穆相對南北爲別無毀廟遷主不享之文  
徵是禮也自於周室而國朝祀典當與周異周以后稷  
配天廟爲始封之祖而下乃立六廟廟毀主遷皆在太  
祖之後禘祫之時無先於太祖者故太祖東嚮之位全  
其尊而不疑然今年十月祫享太廟伏請據魏晉舊事  
比爲則構築別廟東晉以征西等四府君爲別廟至祫  
禘之時則於太廟正太祖之位以申其尊別廟登高皇  
通典 卷十 禮十 八

太皇征西等四府君以序其親伏以國家若用此義則  
宜別爲獻祖懿祖立廟禘祫祭之以重其親則太祖於  
太廟遂居東向以至尊伏以德明興聖二皇帝曩旣立  
廟至禘祫之時當用享禮令別廟之制便就興聖廟藏  
祔爲宜敕下尙書省集百僚議禮儀使太子少師顏真  
卿議曰伏以太祖景皇帝以受命始封之功處百代不  
遷之廟配天崇享是極尊嚴且至禘祫之時暫居昭穆  
之位屈已申孝敬奉祖宗緣齒族之禮廣尊先之道此  
實太祖明神烝烝之本意亦所以化被天下率循孝悌  
請依晉蔡謨等議奉獻祖神主居東面之位自懿祖太

祖洎諸祖宗遵左昭右穆之列貞元七年太常卿裴郁  
奏曰禘祫之禮殷周以遷廟皆出太祖之後故得合食  
有序尊卑不差及漢高受命無始封祖以高皇帝爲太  
祖太上皇高帝之父立廟享祀不在昭穆合食之列爲  
尊於太祖故也魏武創業文帝受命亦卽以武帝爲太  
祖其高皇太皇處士君等竝爲屬尊不在昭穆合食之  
列晉宣創業武帝受命亦卽以宣帝爲太祖其征西穎  
川等四府君亦爲屬尊不在昭穆之列國家誕受天命  
累聖重光景皇帝始封唐公實爲太祖中間代數旣近  
在三昭三穆之內故皇家太廟唯有六室其弘農府君

通典

卷五

禮十

九

宣光二祖尊於太祖親盡則遷不在昭穆之數著在禮  
志可舉而行開元中加置九廟獻懿二祖皆在昭穆是  
以太祖景皇帝未得居東向之尊今二祖已祧九室惟  
序則太祖之位又安可不正伏以太祖上配天地百代  
不遷而居昭穆獻懿二祖親盡廟遷而居東向徵諸故  
實深所未安請下百僚僉議八年正月太子左庶子李  
嶸等七人議按王制曰天子七廟三昭三穆與太祖而  
七周制也七者太祖文王及武王之祧與親廟四也太  
祖后稷也殷則六廟也契及湯與二昭二穆也夏則五  
廟無太祖禹與二昭二穆而已晉朝博士孫欽議云王

者受命太祖及諸侯始封之君其以前神主據以上數  
過五代卽毀其廟禘祫不復及也禘祫所及者謂受命  
太祖之後迭毀上升藏於二祧者雖百代禘祫及之伏  
以獻懿二祖則太祖以前親盡之主也據三代以降之  
制則禘祫不及矣代祖神主則太祖以下毀廟之主也  
則公羊傳所謂己毀廟之主陳於太祖者是也謹按漢  
元帝下詔議罷郡國廟及親盡之祖丞相韋元成議太  
上孝惠廟皆親盡宜毀太上廟主宜瘞北園孝惠神主  
遷於太祖廟奏可太上則太祖以前之主瘞北園禘祫  
不及故也則今獻懿二祖之比也孝惠遷於太祖廟明

通典

卷五

禮十

十

太祖以下子孫則禘祫所及則今代祖元皇帝神主之  
比也自魏晉及宋齊陳隋相承始受命之君皆立六廟  
虛太祖之位自太祖之後至七代君則太祖當東向位  
乃成七廟太祖以前之主魏明帝則遷處士主置於園  
邑歲時使令丞奉薦代數猶近故也至東晉明帝崩以  
征西等三祖遷入西除名之曰祧以準遠廟至康帝崩  
穆帝立於是京兆遷入西除同謂之祧如前之禮竝禘  
祫不及國朝始享四廟宣光并太祖代祖神主祔於廟  
至貞觀九年將祔高祖於太廟朱子奢請準禮立七廟  
其三昭三穆各置神主太祖依晉宋以來故事虛其位

待遞遷方處之東嚮位於是始祔弘農府君及高祖爲六室虛太祖之位而行禘祫至二十三年太祖祔廟弘農府君乃藏於西夾室文明元年高宗祔廟始遷宣皇於西夾室開元十年元宗特立九廟於是追尊宣皇帝爲獻祖復列於正室光皇帝爲懿祖以備九室禘祫猶虛太祖之位祝文於三祖不稱臣明全廟數而已至德三載剋復後新作九室神主唯不造弘農府君神主明禘祫不及故也至寶應三年祔元宗肅宗於廟遷獻懿二祖於西夾室始以太祖當東嚮位次獻懿二祖爲是太祖以前親盡神主準禮禘祫不及凡十八年至建中二年十月將祫享禮儀使顏真卿狀奏合出獻懿二祖神主行事其布位次第及東西尊位請準東晉蔡謨等議爲定遂以獻祖當東嚮以懿祖於昭位南嚮以太祖於穆位北嚮以次左昭右穆陳列行事且蔡謨當時雖有其議事竟不行而我唐廟祧豈可爲準臣竦等伏以嘗禘郊社尊無二上瘞毀遷藏禮有義斷獻懿以爲親盡之主太祖以當東嚮之尊一朝改移實非典故請宜效先朝故事獻懿神主藏於西夾室以類祭法所謂遠廟爲祧去祧爲壇去壇爲墀壇墀有禱則祭無禱則止太祖旣昭配天地位當東嚮之尊庶上守貞觀之定制

中奉開元之成規下遵寶應之嚴式符合經義不失舊章吏部郎中柳冕等十二人議曰天子受命之君諸侯始封之祖皆爲太廟故雖天子必有尊也是以尊太祖也故太祖以下親盡而毀洎秦滅學漢不及禮不列昭穆不建迭毀晉旣失之宋又因之於是有違王廟之制於是有虛太祖之位不列昭穆非所以示人有序也不建迭毀非所以示人有殺也違王廟之制非所以示人有別也虛太祖之位非所以示人有尊也此禮之所由廢也謹按禮父爲士子爲天子祭以天子葬以士今獻祖祧也懿祖亦祧也唐未受命猶士禮也是故高祖太宗以天子之禮祭之不敢以太祖之位易之今而易之無乃亂先王之序乎昔周有天下追王太王王季以天子之禮及其祭也親盡而毀之漢有天下尊太上皇以天子之禮及其祭也親盡而毀之唐有天下追王獻懿二祖以天子之禮及其祭也親盡而毀之則不可代太祖之位明矣又按周禮有先公之祧先王之祧先公之遷主藏乎后稷之廟其周未受命之祧乎先王之遷主藏之文武之廟其周已受命之祧乎故有二祧所以異廟也今獻祖以下之祧猶先公也太祖以下之祧猶先王也請築別廟以居二祖則行周之禮復古之道故漢

之禮因於周也魏之禮因於漢也隋之禮因於魏也皆立三廟有二祧又立私廟四於南陽亦後漢制也爲人之子事大宗降其私親故私廟所以尊本宗也太廟所以尊正統也雖古今異時文質異禮而知禮之情與問禮之本者莫不通其變酌而行之故上致其崇則太祖屬尊乎上矣下盡其殺則祧主藏盡於下矣中處其中則王者主祧於中矣工部郎中張薦等議曰昔殷周以稷契始封爲不遷之祖其毀廟之主皆稷契之後所以昭穆合祭尊卑不差如夏后氏以禹始封遂爲不遷之祖故夏五廟禹與二昭二穆而已此則鯀之親盡其主

通典

卷十

禮十

三

已遷左氏既稱禹不先鯀足明遷廟之主雖屬尊於始封祖者亦在合食之位矣又據晉宋齊梁北齊周隋史其太祖以上竝同禘祫未嘗限斷遷毀之主伏以南北朝代非無碩學巨儒宗廟大事議必精博驗於史冊其禮僉同又詳魏晉宋齊梁周北齊隋故事及貞觀明慶開元禮所述禘祫竝虛東嚮旣行之已久實羣情所安自太祖處清廟第一之室其神主雖百代不遷永歆烝嘗上配天地位於太廟無不正矣若至禘祫之時暫居昭穆之列屈已申孝以奉祖禰豈非伯禹烝烝敬鯀之道歟亦是魏晉及周隋之太祖不敢以卑獸尊之義也

議者或欲遷二祖於興聖廟及請別築室至禘祫年享之夫祫合也非乃分食殊乖禮意及欲藏於西夾室永不及祀無異漢代瘞園尤爲不可輒敢據正經考論舊史請奉獻懿二祖與太祖竝從昭穆之位而虛東嚮司勳員外郎裴樞議曰禮之必立宗子者蓋爲收是族人東嚮之主亦由是也若耐於遠廟無乃中有一閒等上不倫西位常虛則太祖永馱於昭穆異廟別祭則祫享何主乎合食永闕比於姜嫄則推祥祿而無事於禮夫親親故尊祖尊祖故敬宗敬宗故收族收族故宗廟嚴宗廟嚴故重社稷由是言之太祖之上復有追尊之祖

通典

卷辛

禮十

四

則親親尊祖之義無乃乖乎太廟之外輕制別祭之廟則宗廟無乃不嚴社稷無乃不重乎且漢丞相韋元成請瘞於園晉徵士虞喜請瘞於廟兩階之閒喜又引左氏說古者先王日祭於祖考月祀於曾高時享及二祫歲祫及壇墀終禘及郊宗石室是爲郊宗之上復有石室之祖斯最近矣但當時議所處石室未有準的喜請於夾室中愚以爲石室可據所以處之之道未安何者夾室謂居太祖之下毀主非是安太祖之上藏主也未有卑處正位尊在傍居考理卽心恐非允協今若建石室於園寢遷神主以永安採漢晉之舊章依禘祫之一

祭修古禮之殘缺爲國朝之典故庶乎春秋變之正禮動之中者焉京兆府同官縣尉仲子陵議曰今儒者乃援子雖齊聖不先父食之語欲令已祧獻祖權居東嚮配天太祖屈居昭穆此不通之甚也凡在左氏不先食之言且以正僖公之逆祀儒者安知非夏氏廟數未足之時而禹不先鯀乎且漢之禘祫蓋不足徵魏晉已還太祖皆近是太祖之上皆有遷主歷代所疑或引闕宮之詩而永闕或因虞主之義而瘞園或緣遠廟爲祧以築宮或言太祖實卑而虛位唯東晉蔡謨憑左氏不先食以爲說欲令征西東嚮均之數者此最不安且蔡謨

通典

卷五

禮十

五

此議非晉所行前有司不本謨改築之言取征西東嚮之一句爲萬代法此不可甚也臣又思之永闕瘞園則臣子之心有所不安權居正位則太祖之尊無時而定則別築一事義差可安且興聖之於獻祖曾祖也昭穆有序享祀以時伏請奉獻懿二祖遷祔於德明興聖廟此其大順也或以祫者合也今二祖別廟是分食也何合之爲臣以爲德明興聖二廟每禘祫之年亦皆享薦是以分食奚疑於二祖乎左司郎中陸淳奏曰臣竊尋七年百僚所議考其意有四一曰藏諸夾室二曰置之別廟三曰遷於園寢四曰祔於興聖藏諸夾室是無享

獻之期異乎周人藏於二祧之義禮不可行也置之別廟始於魏明之說禮經實無其文晉義熙九年雖立此議以後亦無行者遷於園寢是亂宗廟之儀既無所憑殊乖禮意事不足徵也唯有耐於興聖之廟禘祫之歲乃一祭之庶乎合於禮者之體而得變之正也

功臣配享 殷 周 漢 魏 晉 梁 大唐

殷盤庚云茲予大亨於先王爾祖其從與享之○周制

夏官司勳掌六鄉賞地之法以等其功賞地賞田在遠郊之內屬六鄉

焉等猶差也以王功曰勳輔成王業國功曰功保全國

尹民功曰庸法施於人事功曰勞以勞定國理功曰力若后稷禮十

通典 卷三 禮十 六

成理若戰功曰多剋敵出奇若韓信陳平司馬法曰尙多前勇謂敵功多凡有功

者銘書於王之太常祭於大烝司勳詔之銘之言名生則書於王旌

以識其人與其功死則於烝先王祭之詔謂告其神以辭若盤庚告其卿大夫曰茲予大亨於先王爾祖其從與享之大功司勳藏其貳貳猶副也功書藏於天府是也○

漢制祭功臣於庭生時侍醺於堂死則降在庭位與士

庶爲列○魏高堂隆議曰按先典祭祀之禮皆依生前

尊卑之秩以爲位次功臣配享於先王象生時侍醺醢

禮大夫以上皆升堂以下則位於庭其餘則與君同牢

至於俎豆薦羞唯君備矣公降於君卿大夫降於公士

降於大夫使功臣配食於烝祭所以尊崇其德明其勳

降於大夫使功臣配食於烝祭所以尊崇其德明其勳

以勸嗣臣也議者欲從漢氏祭之於庭此爲貶損非寵  
異之謂也貴者取貴骨賤者取賤骨凡牲體前  
貴後賤今使配

食者因君之牢以貴賤爲俎庶合事宜周志曰男則害  
上不登於明堂共用謂之勇共用死言有勇而無義死

不登堂而配食此卽配食之義位在堂之明審也下爲  
北面三公朝立之位耳醜則脫屣升堂不在庭也凡獻

爵有十二九七五三之差君禮大夫三獻太祝令進三  
爵於配食者可也○晉散騎常侍任茂議按魏功臣配

食之禮敘六功之勳祭陳五祀之品或祀之於一代或  
傳之於百代蓋社稷五祀所謂傳之於百代者古之王

臣有明德大功若勾龍之能平水土柱之能植百穀則  
祀社稷異代不廢也昔湯旣勝夏欲遷其社不可乃遷

稷而周棄德可代柱而勾龍莫廢也若四敘之屬分主  
五方則祀爲貴神傳之異代載之春秋非此之類則雖

明如咎繇勳如伊尹功如呂尙各於當代祀之不祭於  
異代也然則伊尹於殷雖有王功之茂不配食於周之

清廟矣今之功臣論其勳績比咎繇伊尹呂尙猶或未  
及凡云配食各配食於主也今主遷廟臣宜從享大司

馬石苞等議魏氏代功臣宜歸之陳畱國使修常祀允  
合事理○梁武帝初何佟之議曰禘於夏首物皆未成

故爲小祫於冬萬物皆成其禮斯大近代禘祫竝及功臣有乖古典請唯祫祭乃及功臣從之○大唐貞觀十六年有司言禮祫享功臣配享於廟庭禘享則不配後令禘祫之日功臣竝得配享請集禮官學士等議太常卿韋挺等議曰古者臣有大功享祿其後子孫率禮潔粢豐盛祔祠烝嘗四時不輟國家大祫又得配焉所以昭明其勳尊崇其德以勸嗣臣也其禘及時享功臣皆不應享故周禮六功之官皆配大烝而已先儒皆以大丞爲祫祭梁初誤禘功臣左丞何佟之駁議武帝允而依行降暨周齊俱遵此義竊以五年再殷合諸天道之

通典

卷之辛

禮十

六

大小小則人臣不與大則兼及有功禮禘無配功臣誠謂理不可易從之其儀具開元禮

通典卷第五十一

唐 京兆杜佑君卿纂

禮十一 吉十

天子七祀 諸侯附。殷 周 漢 後漢 魏 晉 隋 大唐

殷制天子祭五祀戶一竈二中雷三門四行五祀歲徧

凡祭五祀於廟門戶主出入竈主飲食中雷主堂室居處韋昭云古者穴居故名室曰中雷行主道路行作者

諸侯大夫與天子同○周制王為羣姓立七祀曰司命

曰中雷曰國門曰國行曰泰厲曰戶曰竈 此七神居人之間司察小

過作譴告者司命督察人三命厲主殺罰司命與厲其時不著是則春祀司命秋祀厲也或者合而祀之也

諸侯為國立五祀曰司命曰中雷曰國門曰國行曰公

通典 卷五十一 禮十一 一

厲大夫立三祀曰族厲曰門曰行嫡士立二祀曰門曰

行庶人立一祀或立雷竈或立戶○漢立五祀白虎通

云戶一祀 春萬物觸戶而出亦為陽氣之生 竈祀二火 欲出之即祭戶戶者人所出入者

主長養萬物即祭竈竈者 門三祀 秋萬物成熟將內之火之主人所以自養也

祭門門者 冬水主萬物歸藏而祭 中雷五祀 六 所以開藏 井四祀 井井者水主藏在冬

土王而祭中雷者 歲一徧有司行事禮頗輕於社稷 祭 象土位在中也

天子諸侯以牛用四時祭牲也 祀戶以羊竈以雞中雷 以牛門以犬井以豕或曰中雷用牛不得用牛者用豕

井用 魚也○後漢建武初有五祀之祭門戶井竈中雷有司

掌之其祀簡於社稷矣人家祀山神門戶 山即厲也鬼 所有歸乃不

為○魏武王始定天下興復舊祀而造祭五祀門戶井

竈中雷也○晉傳元云帝之都城宜祭一門正宮亦祭一門正室祭一戶井竈及中雷各擇其正者祭之以後

諸祀無聞唯司命配享於南郊壇○隋制其司命戶以

春竈以夏門以秋行以冬各於享廟日中雷則以季夏

祀黃帝日夏季土德王各命有司祭於廟西門道南牲以少

牢○大唐初廢七祀唯季夏祀祭中雷開元中制禮祭

七祀各因時享祭之於廟庭司命戶以春竈以夏門厲

以秋行以冬中雷以季夏其儀具開元禮○說曰天子

諸侯必立五祀五祀者爲其有居處出入飲食之用祭

之所以報德也歷代同或五或七周禮天子祭七諸侯

祭五降殺之差也殷天子諸侯大夫皆五鄭注云殷禮

者以祭法差降殊異故言之鄭又云祭竈祀老婦人古

之始炊者也以此推之七祀皆應古之始造者焉馬融

以七祀中之五門戶竈行中雷卽勾芒等五官之神配

食者勾芒食於木祝融食於火蓐收食於金元冥食於

水句龍食於土故月令五時祭祀只是金木水火土五

行之祭也許慎云月令孟夏祀竈王者所祭古之有功

德於人非老婦也鄭元云爲祭五祀竈在廟門外之東

祀竈禮設主於竈陘祝融乃古火官之長猶后稷爲堯

司馬上公也今但就竈陘而祭之屈上公之神何其陋

通典 卷三十一 禮十一 二

也又月令云其帝炎帝其神祝融文列在上與祀竈絕遠而推合之文義不次焉得爲義也又左傳云五官之神生爲上公死爲貴神若祭之竈陞豈得謂貴神乎特牲饋食禮云尸饗而祭饔爨以謝先炊者之功知竈神是祭老婦報先炊之義也臧文仲燔柴竈夫子譏之云盛於盆罇於瓶若是祝融之神豈可以盆瓶之器置於陞而祭之乎鄭冲云五祀雖出天地之閒陰陽之氣實非四時五行陰陽之正者也月令春祀戶祭先脾秋祀門祭先肝此順氣所宜藏所值耳又司命則司命星下食人閒司譴過小神矣袁準著正論以爲五行之官祭於門戶行竈中雷土神也火正祀竈而水正不祀并非其類也且社奚爲於人家之屋棟閒哉禮記王七祀諸侯五大夫三冬其祀行是記之誤也并不輕於竈行不唯冬白虎通云月令冬祀井是也秦靜云今月令謂行爲井是以時俗或廢行而祀井魏武興復舊祀而祭門戶井竈中雷凡五祀焉

按漢諸儒戴聖聞人通漢等白虎通議五祀則有井之說蓋當時已行中閒廢闕至魏武重修舊典而祭井焉

高堂生月令仲冬祀四海井泉  
祭井自從小類不列五祀儒家誤以井於五祀宜除井而祀行傳元曰七祀五祀月令皆云祀行而無井月令先儒有直作井者既祭竈而不祭井於事則有關於情

則有不類謂之井者近是也又按白虎通曰共工之子曰修好遠游舟車所至足跡所達靡不窮覽故祀以爲祖神祖者徂也徂卽行之義也

宗室助祭議 後魏

後魏孝明帝熙平二年侍中江陽王繼表言臣功總之內太祖道武皇帝之後於臣始是曾孫道武帝受命之主配天郊祀百代不遷而曾元之孫烝嘗之薦不獲拜於廟庭霜露之感闕陪奠於階席伏見孝文皇帝著令銓衡取曾祖之服以爲資蔭而況曾祖爲帝而不見錄請付外博議永爲定準小學博士王僧奇等議按孝經

通典

卷五十一

禮十一

四

曰郊祀后稷以配天宗祀文王於明堂以配上帝然則太祖不遷者尊王業之初階二祧不毀者旌不朽之洪烈其旁枝遠胄豈得同四廟之親哉而四廟者在當代服屬之內可以與於子孫之位若廟毀服盡豈得同於此例乎請以四廟爲斷國子博士李孜之議按祭統曰有事於太廟羣昭羣穆咸在謂宜入廟之制率從親議之條祖祧之旁各盡其元孫使得駿奔堂壇肅承禘祫則情理差通事無舛駁侍中任城王澄等奏臣等參議江陽之於今帝也計親則枝宗三易數代則廟應四遷吉凶尙不告聞拜薦寧容輒與高祖孝文皇帝聰明元

覽師古立政陪拜止於四廟哀恤斷自總宗卽之人情冥然符一推之禮典事在難違此所謂明王今古不革者也太常少卿元端議祭法云王立七廟曰考廟曰王考廟曰皇考廟曰顯考廟曰祖考廟遠廟爲祧有二祧而祖考以功重不遷二祧以盛德不毀迭遷之義其在四廟記云五廟之孫祖廟未毀雖爲有所援引然與朝儀不同如依其儀匪直太祖曾元諸廟子孫悉應陪列既無正據竊謂太廣靈太后令曰議親律注云非唯當代之屬籍歷謂先帝之五代此乃明親親之義篤骨肉之恩重公卿衆議以遠及諸孫太廣致疑百僚助祭可得言狹也祖廟未毀曾元不與壇堂之敬便是宗人之昵反外於附庸王族之近更疏於羣辟先朝舊儀草創未定刊制律憲垂之不朽琰之援據甚允情理可依所請

庶子攝祭

周

周制曾子問宗子爲士庶子爲大夫其祭如之何孔子曰以上牲祭於宗子之家

貴祿重宗也上牲大夫少牢

祝曰孝子某

爲介子某薦其常事

介副也不言庶使若可以祭然

若宗子有罪居於

他國庶子爲大夫其祭也祝曰孝子某使介子某執其

常事

此爲宗子攝大夫也

攝主不厭祭不旅不嘏不綏祭不配

皆避

通典

卷五

禮十一

五

正主也。獸飲神也。厥有陰有陽。迎尸之前，祝酌奠之。且享是陰獸也。尸設之後，徹薦俎，設於西北隅。是陽獸也。此不獸者，不陽厭也。不旅，不旅酬也。不殿，不殿主人也。不綏祭，謂今主人也。今主人謂攝主者。若正主人，卽得綏殺，謂滅毀神前饌。若神有享，也不配者，祝辭不言以某配某氏也。綏許，恚反。敦音對。布奠於

賓賓奠而不舉。布奠謂主人酬賓，解奠於薦北也。賓奠謂取解奠於薦南也。此酬之始也。奠而不舉止。不歸肉。肉俎也。諸與祭者召之共燕耳。其辭於賓曰：宗兄弟宗

子在他國，使某辭。辭，猶告也。宿賓之辭也。與宗子為別。則曰宗兄。若宗弟，昭穆異者曰宗子而已。其辭若云：宗兄某在他國，使某執其常事，使某告也。曾子問：宗子去在他國，庶

子無爵而居者，可以祭乎？孔子曰：祭哉。有子孫存，不可以乏先祖之祀。請問其祭如之何？孔子曰：向墓而為壇，以時祭。不祭於

者賤遠。若宗子死，告於墓而後祭於家。言祭於家，容無廟也。宗子

死，稱名不言孝。孝，宗子之稱，不敢與之同也。其辭但言子某，薦其常事也。身歿而已。至子可以子游之徒有庶子祭者，以此禮祭也。若義稱孝者，也。若順，今之祭者，不首其義，故誣於祭也。首本也。

庶子在他國，不立廟議。晉

晉劉氏問蔡謨曰：非小宗及一家之嫡，分張不在一處，得立廟不答曰：禮宗子在他國而庶子在家，則祭先儒說曰：有子孫在，不可以乏先祖之祀也。不之祀云者，明宗子在他國，不得廟祭，故令庶子祭於家也。苟在他國，雖是宗子，猶不得立廟，況非

嫡長乎？

兄弟不合繼位，昭穆議。晉 東晉 大唐

晉武帝泰始四年詔荀崧紹高祖或封爵繼崧兄敬侯崧父太尉顓以爲宜依文帝景帝同爲一穆崧顧命子麤垂範遵而奉焉○東晉元帝建武中尙書符云武皇帝崩遷征西府君惠皇帝崩遷章郡府君懷帝入廟當遷潁川府君賀循議古者帝各異廟廟之有室以象常居未有二帝共處之義也如惠懷二主兄弟同位於禘禘之禮會於太祖自應同列異坐而正昭穆至於常居之室不可以尊卑之分義不可黷故也昔魯夏父弗忌躋僖公於閔上春秋謂之逆祀僖公閔之庶兄閔公先立嘗爲君臣故也左氏傳曰子雖齊聖不先父食懷帝之在惠帝代居藩積年君臣之分也正位東宮父子之義也雖同歸昭穆尊卑之分與閔僖不異共室褻黷非殊尊卑之禮以古義論之愚謂未必如有司所列惠帝

通典

卷五

禮十一

七

之崩當已造章郡府君又以懷帝入廟當遷潁川府君此是兩帝兄弟各遷一祖也又主之迭毀以代爲正下代旣升則上代稍遷代序之義也若兄弟相代則共是一代昭穆位同不得兼毀二廟禮之常例也又殷之盤庚不序陽甲之廟而上繼先君以弟不繼兄故也旣非所繼則廟應別立由此言之是惠帝應別立上祖宜兼遷也故漢之光武不入成帝之廟而上繼元帝義取於

此今惠懷二帝不得不上居太廟潁川未遷見位餘八

非祀之常不得於七室之外假立一神位

庾蔚之謂爾時愍帝尚在

關中元帝為晉王立廟猶以愍帝為主故上至潁川為六代懷景二帝雖非昭穆之正數而廟不合毀是以見位餘八也循又議曰殷人六廟比有兄弟四人襲為君者便當上毀四廟乎如此四代之親盡無復祖禰之神矣又

按殷紀成湯以下至於帝乙父子兄弟相繼為君合十

二代而正代唯六易乾鑿度曰殷帝乙六代王也以此

言之明不數兄弟為正代○大唐開元四年太常卿姜

皎及禮官太常博士陳貞節蘇獻等上七廟昭穆議曰

禮天子三昭三穆與太祖之廟為七而太祖常存聖人

通典

卷五

禮十一

八

之大典也若禮名不正則奠獻無序矣謹按中宗孝和

皇帝在廟七室已滿今太上皇是中宗之弟以六月升

遐甫及仲冬禮當遷祔但兄弟入廟古則有焉遞遷之

禮昭穆須正謹按晉太常賀循議兄弟不相為後也故

殷之盤庚不序於陽甲而上繼於先君漢之光武不嗣

於孝成而上承於元帝又曰晉惠帝無後懷帝承統懷

帝自繼於代祖而不繼於惠帝其惠帝當陽甲孝成別

出為廟又曰若兄弟相代則共是一代昭穆位同不可

兼毀二廟此蓋禮之常例荀卿子曰有天下者事七世

謂從禰以上尊者統廣故恩及遠祖若旁容兄弟上毀

祖考此則天子有不得全事七代之義也孝和皇帝有中興之功而無後嗣請同殷之陽甲漢之成帝出爲別廟時祭不虧大祿之辰合食太祖奉獻宗神主升附太廟上繼高宗則昭穆永貞獻祿長序禮也萬代之典敢不颺言從之改造中宗廟於太廟之西時河南人孫平子上封事曰臣竊見今年正月太廟毀此乃躋聖賢之所致也臣按左傳曰君薨卒哭而祔祔而作主特祀於主烝嘗禘於廟今日有違於此也昔魯文公二年宗伯弗忌躋僖公於閔公上後致太室壞春秋異而書之今日有同彼也君子以弗忌爲失禮又按五行書志僖公

通典

卷五

禮十一

九

雖閔公之兄嘗爲閔公臣臣在君上是爲失禮遂令太室壞且兄臣於孝猶不可躋之弟上弟臣於兄可躋弟於兄上耶昔莊公三十二年薨閔公二年吉禘自薨至禘尚有二年春秋猶非其失禮況夏崩冬禘不亦太速乎諸議云太廟中央曰太室尊高象也魯自陵夷將墜周公之祀以此斷之卽太廟毀亦今日將欲陵夷之象墜先帝之祀也斯亦上天祐我唐國乃降此災以陛下去年禘孝和於別室吉祭於太廟未祭孝和先祭太上皇此乃與僖閔事同先臣後君也昔兄躋弟上今弟先兄祭過有甚於古也昔臣登君上今亦如之事豈不同

耶昔太室壞今聖朝太廟毀變豈不同耶若以兄弟同昭則不合出致別廟若以臣子一例則孝和合進爲昭昔武氏篡國十有餘年孝和挺劍龍飛再興唐祚此則有大功於天下也今禘於別室是廢先聖之訓棄中興之功君下臣上輕長重幼昔晉太康五年宣廟地陷梁折八年正月太廟毀陷改作殿築階下及泉更營新廟遠致名材雜以銅柱自八年九月造至十年四月乃成十一月又梁折毀壞以此言之天降災譴非枯朽也晉不知過天下分崩王室大亂特望天恩少垂詳察速召宰相以下謀議移孝和入廟何必苦違禮典以同魯晉哉詔下禮官議蘇獻固執前議季子曰辨所稱咸有經據蘇頌爲宰相獻卽頌從祖兄平子竟被貶爲康州都城尉至任尋卒

兄弟俱封各得立禰廟議

晉

宋

晉中山王睦上言乞依六蓼之祀臯陶杞郟之祀相立廟按睦譙王之弟兄俱封今求各立禰廟下太常議博士祭酒劉喜等議王制諸侯五廟是則立始祖謂嫡統承重一人得立祖禰之廟羣弟雖竝爲諸侯始封之君未得立廟也唯今正統當立祖廟中山不得竝也後代中乃得爲睦立廟爲後代子孫之始耳司徒荀顛議以

通典

卷五十一

禮十一

十

爲宜各得立廟時詔從顓議又詔曰禮諸侯二昭二穆與太祖之廟而五太祖卽始封君也其廟不毀前詔以譙王中山王父非諸侯尊同禮不相馱故欲令各得祭以申私恩也然考之典制事不經通若安平王諸子竝封皆得立廟祭禰親盡數終其廟當毀無故下食支庶之國猥更隨昭穆而廢非尊祖敬宗之義也其如前奏施行虞喜曰譙與中山俱始封之君父非諸侯尊同敵體無所爲馱竝立禰廟恩情兩伸苟議是也詔書所喻恐非禮意今上祭四代自以諸侯位尊得申其恩祭及

四代不論毀且不毀爲始封之君則譙王雖承父統禰

通典

卷五

禮十一

七

廟亦在應毀之例不得長立也又安平獻王自爲始封諸子雖別封而同爲諸侯諸侯尊同故不復各立此則公子爲諸侯不得立禰廟也而譙王父非諸侯使與諸侯同列不得竝祭或難曰禮庶子不祭禰明其宗也若俱得祭父則竝統二嫡非明其宗也答曰若宗子與庶子位俱爲士禰已有廟無爲重設與公子爲諸侯不立禰廟同也若尊卑不同則已恩得施竝祭無嫌也禮大夫三廟太祖百代不遷者也使大夫之後有庶統爲諸侯者當上祭四代四代之前不得復祭若當奪宗則大夫太祖爲廢其祀以此推之明得兼祭一者恩得伸隨

代而毀一者繼太祖百代不替也徐禪非荀是虞曰愚等謂尊祖敬宗禮之所同若列國秩同則祭歸嫡子所以明宗也嫡輕庶重禮有兼享所以致孝也今譙王爲長既享用重祿中山之祀無以加焉二國兩祭禮無所取詔書禁之是也詔稱安平獻王諸子竝封不可各令立廟是苟暢之義美矣然虞謂中山父非諸侯而祭更闕疑如禮意也虞徵士答衛將軍虞喜以嫡爲大夫庶爲諸侯諸侯禮重應各立廟禪謂爲允矣喜曰尊同體敵恩情兩伸諸兄弟俱始爲諸侯命數無降今士庶始封之君尙得上祭四代不拘於嫡以貴異之況已尊同

五等更嫌不得其均用豐禮竝祭四代所以寵之理非替宗此蓋先王以孝理天下肅恭明祀之達義也昔周公有一王功魯立文王之廟鄭有平王東遷之勳特令祖厲是爲榮之非計享之祭在於周室魯鄭豈得過之哉○宋庠蔚之謂大夫士尊不相絕故必宗嫡而立宗承別子之嫡謂之宗子收族合食糾正一宗者也故特加齊縗三月之服至四小宗則服無所加唯昆弟之爲人後姊妹雖出一降而已曾子問宗子爲士庶子爲大夫以上牲祭於宗子之家鄭云貴祿重宗也上牲大夫少牢也小記庶子不祭禩者明其宗也明尊宗不致別祭也至諸侯尊絕大

夫不得以太宰祭卿大夫之家是以經無諸侯爲宗服文則知諸侯奪宗各自祭不復就宗祭也又諸侯別子封爲國君亦得各祭四代何以知其然諸侯旣不就祭人子不可終身不得享其祖考居然別祭四代或疑神不兩享舉魯鄭祭文祖厲足塞矣余以弟祿卑於兄不得兩祭虞以爲可兩祭由於父非諸侯又未善也

遭難未葬入廟議

晉

晉懷帝蒙塵崩於平陽梓宮未反京師元帝立廟之時欲遷入廟喪已過三年太常賀循議云懷帝梓宮未反遭時之難故事非常不得以常禮自拘宜以時入太廟

通典

卷五

禮十一

三

修祭祀之禮

亡失其親立廟議

晉

晉劉智釋問曰亡其親者不知其死生則不敢服然則終身不祭乎智曰唯疑其生故不敢服也必疑死焉可不祭乎古之死者必告於廟今亡其親必告其先廟使咸知之求之三年若不得也則又告之告之者欲令其生也則隨而祐之其後疑祭必告令知其疑不受也鬼死者終歸享也祝辭以告疑則還廟不遷矣憑靈之心加崇於尊此孝子之情也

通典卷第五十二

唐 京 兆 杜 佑 君 卿 纂

禮十二 吉十一

喪廢祭議 晉 宋 齊 梁 大唐

晉武帝咸寧五年十一月弘訓羊太后崩宗廟廢一時之祀天地明堂去樂且不上阼孝武帝大元十一年九月皇女亡應烝祀中書侍郎范甯奏按禮喪服傳有死宮中者三月不舉祭不別長幼之與貴賤也皇女雖曰嬰孩臣竊以為疑於是使三公行事 賀循祭議云禮在故也其義不但施於生人亦祖禰之情同其哀戚故云於死者無服則祭也今人若有服祭祀如故吉凶相干

通典

卷五十二

禮十二

一

非禮意也

○宋文帝元嘉七年四月有司奏禮云有死於宮中者三月不舉祭今禘祀既戒而掖庭有故下太常詳正領祠部郎謝元議以為遵依禮傳使有司行事於義為安從之 ○齊高帝建元四年武帝在諒闇尚書令王儉奏曰權典既行喪禮斯奪事興漢代源由甚遠殷宗諒闇非有服之稱周王即吉雖宴樂為譏春秋之議嗣君逾年則會聘左氏云凡君即位卿出竝聘踐修舊好謀事補闕禮之大者自斯而談朝聘烝嘗之典卒哭而備行婚禘蒐樂之事三載而後舉通塞興廢各有由然按禮稱武王崩明年六月既葬周公冠成王而朝於祖

以見諸侯又曾子問孔子曰天子崩國君薨則祝取羣廟之主而藏諸祖廟禮也卒哭成事而後主各反其廟左氏傳凡君卒哭而耐耐而後特祀於主烝嘗禘於廟先儒云特祀於主者特以喪禮奉新亡者主於寢不同於吉烝嘗禘於廟者卒哭成事羣廟之主各反其廟則四時之祭皆卽吉也三年喪畢吉禘於廟躋羣主以定新主也皆

著在經詰晉宋因循同規前典卒哭公除親奉烝嘗嘗率禮無違因心允協爰至宋明帝時禮官立議不宜親奉乃引三年之制自天子達庶人曾不知本在至情旣葬釋除事以權奪越綽之旨事施未葬卒哭之後何綽可越晉武在喪每欲伸寧戚之懷不全依諒闇之典至於

通典

卷五

禮十二

二

四時烝嘗蓋以哀疚未堪非便頓改舊式江左通儒守而弗革又宜卽心而言公卿大事則負辰親臨三元告始則會朝萬國豈曰能安國家故也宗廟烝嘗孝敬所先寧容吉事備行斯典獨廢就令必宜廢祭則應三年永闕乃復同之他故有司攝禮進退二三彌乖喪典謂宜依禮親奉從之○梁武帝天監四年安成國稱欲遷立所生吳太妃神主國王旣有妃喪欲使臣下代祭明山賓議以爲宜待王妃服除親奉盛禮○大唐元陵之制未殯遇夏至祭皇地祇禮官議停祭時監察御史張朔牒禮儀使伏準遺詔皇帝已聽政合告郊廟所司祭

地祇無文合廢又按曾子問天子崩未殯五祀之祭不行既殯而祭所言五祀不行卽明天地之祭不合廢又王制喪三年不祭唯祭天地社稷爲越綽而行事注云不敢以卑廢尊又按春秋杜預注天王崩未葬而郊者不以爲王事廢天事也今禮儀使牒引祠令諸享廟官有緦麻以上喪不得充享官此蓋指私喪不足爲今日之證請更參詳報禮儀使報來牒稱天子崩五祀之祭不行既殯而祭所言五祀不行卽明天地之祭不合廢者謹按曾子問天子崩五祀之祭不行既葬而祭鄭元注云郊社亦然然則五祀之與郊社之祭同也則來牒

通典

卷五

禮十二

三

所言五祀不行則明天地之祭不合廢與鄭元所云郊社亦然之義乖也又按曾子問上文曰天子嘗禘郊社五祀之祭簠簋既陳天子崩后之喪如之何孔子曰廢下文云天子崩未殯五祀之祭不行既殯而祭孔穎達云以初崩哀戚未遑祭祀雖當五祀祭時不得行也旣殯哀情殺而後祭也又云自啓至於反哭五祀之祭不行已葬而祭此言無事時則祭有事時則廢未殯以前是有事旣殯已後未啓已前爲無事故王制云越綽而行事綽者屬於龍輻之轅索也天子攢塗龍輻謂殯時所設也今百官成服準令祀諸祠齋之日平明赴祠所

又開元禮云祠前七日受誓戒散齋四日致齋三日散齋之內不得弔死間病致齋之內唯祀事則行其餘悉斷苟或違此則非爲祭所以崇嚴潔也今若斂髮赴廟則嚴潔之道於是乎廢也成服而行則祀典之文可得而逾也且哀戚之殺大斂孰與夫自啓凶穢之甚總麻孰與夫斬纓未殯之時非謂無事扱衽之祭可謂不違況皇帝卽位未告太廟哀戚在疚未許聽政如何告太祖以配北郊乎參詳古今實難議祭也

旁親不廢祭議

東晉

東晉穆帝太和六年五月九日安平王薨博士孫欽議

通典

卷五十二

禮十二

四

禮有死於宮中闕一時之祀又按魏高堂隆議平原公主薨二月春祀不宜闕祭臣聞伯叔父同產昆弟庶子庶孫及次妃以下天子諸侯則降而不服於四時之祭無闕廢禮也漢文帝前代盛德之君也猶不忍以三年之喪妨廢孝享割損年月早葬速除追思祖考念在烝嘗所以重宗廟也且宮中有死者三月不舉祭傳發於總麻三月之章天子諸侯周大功皆降而不服何總麻之有乎誠亦儒者之迷誤也

總不祭議

晉

宋

晉荊州刺史殷仲堪問禮文如是此指釋有總麻服而

猶得祭者也當不普言新喪之親於所祭者耶別駕庾  
獻功曹滕惔主簿劉恬答曰尋禮文當是指明有總服  
可以祭耳不以新喪之親於所祭者有服爲疑今世中  
傳重者而有從祖小功之服服旣除恐不得以二祖服  
近而不祭也○宋庾蔚之謂殷庾釋文句甚允但未統  
立言大意記所明重其已與神交而不終外喪尸殯不  
在此可得少申其事故大夫之祭鼎俎旣陳籩豆旣設  
內喪小功總麻外喪齊縗以下行特爲已與神交故隨  
輕重各有所行又云士之所以異總不祭者加大夫有  
小功總麻皆廢故鄭云然則士不得成禮者十一也又  
云所於死者無服則祭者言所異於未與神交時有此  
則外內之喪通廢士卑故也言有始末義統有本尋禮  
者多斷取義不辯已與神交之異故申之云

奪宗議

音

晉元帝建武初孫文上事宣帝支子不應祭豫章京兆  
二府君僕射刁協云諸侯奪宗聖庶奪嫡而況天子乎  
自皇祚以來五十餘年宗廟已序而文攻乎異端宜加  
議罪按漢梅福云諸侯奪宗此謂父爲士庶子封爲諸  
侯則庶子奪宗嫡主祭祀也在諸侯尙有奪義豈況天  
子乎所言聖庶者謂如武王庶子有聖德奪代伯邑考

之宗嫡也

殤及無後廟祭議

宋

宋孝武皇帝孝建元年有司奏東平沖王年幼無後唯殤服五月雖臣不殤君應有主祭而國是追贈又無其臣未詳毀靈立廟爲當他祔太學博士徐宏議王旣無後追贈無臣殤服旣竟靈便合毀記曰殤與無後者從祖祔食又曰士大夫不得祔於諸侯祔諸祖之爲士大夫者按沖王則宜祔諸祖之爲王者應祔長沙景王廟詔可大明六年有司奏故晉陵孝王子雲未有嗣安廟後三日國臣從權制除釋晦朔周忌應還臨哭與不又

通典

卷五

禮十二

六

祭之日誰與爲主太常丞庾蔚之議靈筵存諸臣宜還臨哭變服使上卿主祭王旣未有後又無三年服者周親服除而國尙存便宜立廟爲國之始祖服除之日神主暫祔食祖廟還居新廟之室未有嗣之前四時享薦常使上卿主之詔可七年十一月有司奏晉國制孝王廟依廬陵等國例一歲五祭二國以王有衡陽王服今年內不祠尋國未有嗣王三卿主祭應同無服者之例與不左丞徐爰議嗣王未立將來承允未知疏近豈宜空計服屬以虧祭敬詔可八年有司奏故齊敬王子羽未立後未詳便應作主立廟爲復有後之日未立廟

者為於何處祭祀爰議以為國無後於制服除罷始封之君實存繼嗣皇子追贈為始祖臣不殤君著在前經豈容虛闕烝嘗以俟有後謂宜立廟作主三卿主祭依舊

祭殤 周 晉

周制曾子問祭殤必馱蓋弗成也馱飯而已弗成其為人也故其禮不備祭成喪而無尸是殤之也與不成人同也孔子曰有陰馱有陽

馱言祭殤之禮有於陰馱之者有於陽馱之者曾子問曰殤不備祭何謂陰

馱陽馱言殤乃不成人祭之不備禮也而云陰馱陽馱乎失孔子旨也為成人始設奠於奧迎尸之前

陰馱尸設之後吹饌於西北隅謂之陽廡殤則不備也孔子曰宗子為殤而死庶

通典 卷五十一 禮十一

子弗為後也族人以其倫代之明不序於昭穆立之廟也其祭之就其祖而已代之者主其禮也

按此殤未成人無立後之道故取於族人之中兄弟之倫而主其祭其祭之就所祭者之祖服除乃止其

吉祭特牲尊宗子從成人也凡殤則特豚自卒哭成事之後為吉祭也祭殤不舉無

所音祈俎無元酒不告利成此其無尸及所降也其他如成人舉肺脊所俎利成禮之

於尸是謂陰馱是宗子而殤祭之於奧之禮也小宗為殤其祭禮亦如之凡殤與無

後者祭於宗子之家當室之白罇於東房是為陽馱凡殤

謂庶子之嫡也或昆弟之子或從父昆弟無後者如有昆弟及諸父此則今死者皆宗子大功之內親共祖禰

者也言祭於宗子之家者為有異居之道也無廟者為禴祭之親者供其牲物宗子皆主其禮當室之白罇於

東房異於宗子之為殤也當室之白罇西北隅得尸明者也明者曰陽凡祖廟在小宗之家小宗祭之亦然宗

子之嫡亦為凡殤過祭法王下祭殤五嫡子嫡孫嫡曾此以往則不祭也

孫元孫來孫諸侯下祭三大夫下祭二嫡士及庶人祭

子而止

祭嫡殤者重嫡也祭嫡殤於廟之奧謂之陰獸其殤於宗子之家皆當室之白謂之陽厭凡庶殤不祭也蜀譙周云庶子之爲殤者祔廟於祖廟庶子共其牲

物而宗子主其禮士庶人之庶子雖成子而無後亦祔廟於祖其生之如祭殤殤及無後者祔廟於祖廟皆異日別祭於其處耳天子諸侯之庶子無子不得祔廟於其廟當從其庶祖昭穆同也

○晉范甯祭殤議云祭法王祭嫡殤下及五代愍懷太子殤太子哀

太孫沖太孫自是先帝嫡殤歷代彌久而廟祀之禮於

今未廢謂非禮典之意宜從埋主之例

### 未立廟祭議

晉

晉安昌公荀氏祠制云荀氏進封大國今祭六代暫以

通典

卷五

禮十二

八

廳事爲祭室須立廟如制備物殷仲堪問庾胤綱紀有承重之身身服已除其應祭吾尙有服當得於廳事上

祭不

按殷宗有五等封

庾胤等答曰宜在別室又問云依禮祭

皆於宗子之家支子每往助祭耳又如吾家五等封乃

應有廟今旣無廟而共家常以廳事爲烝嘗之所今一

朝忽移別室意殊不安劉功曹答云昔魯襄公尙於兄

弟之廟假鐘磬以成禮今於廳事當無嫌也

### 公除祭議

東晉 宋

東晉成帝咸和七年虞潭上表云今之諸侯服其親皆與士同無復降殺大宗之家喪服累仍若皆不祭是先

人之享當永為有廢或難曰士獨非孝子也答臣謂三

月之後禮情漸殺若非父母之喪尚通內外服逾月既

葬可祭宗廟博士通議宜如潭所上會有軍事未及施

行咸康三年十月二十七日虞潭有嗣子喪既葬依令

文行喪三十日至十二月十日公除其日禘祭宗廟潭

為論曰余身受公除歲終大禘至敬兼興如當遂闕心

所不安故諮之有議難曰禮素衣芻席不入廟門不以

于神明之位總喪雖輕脫服而祭況嗣子當承祚者乎

答曰高宗三年諒闇今則不爾帝王既葬縞素躬親宗

廟之獻不以喪遂闕者蓋國之大事在祀與戎也且吉

祭廷有金石鏗鏘之和今去凶制而奉烝嘗于戚哉而

不振慎終之情不遠徐藻議云古無公除吉凶之服不

隨時之義亦通也

可相干故總不祭耳今既公除吉服而行則可吉祭今

既吉服無事不可而大事反可闕耶若以心喪為疑者

則出母子為父後得以含悲而祭矣又禮有死宮中三

月不舉祭齊縗之禮三月不從政意者雖速公除猶宜

待滿三月又問同宮之喪而未葬雖公除可以祭不答

曰公除不祭本與於外喪耳若同宮之喪雖未葬此不

可也○宋庾蔚之謂公除是公家除其喪服以從公家

之吉事若公家無齋禁則其受弔臨靈及私常著喪服

豈得輒釋凶服以執吉祭乎徐藻乃云外喪公除雖停

殯可吉祭恐此非祖禰之所享也兄弟別居便為外喪

未葬公除而可以烝嘗未之聞也

上陵 拜掃及諸節上食附。漢後漢魏晉

三代以前無墓祭至秦始皇起寢殿於墓側○漢因秦上

陵皆有園寢故稱寢殿起居衣服象生人之具古寢之

意也○後漢都洛陽以關西諸陵久遠但四時特牲祀

每帝西幸即親謁其洛陽陵每正月上丁祀郊廟畢以

次上陵百官四姓親家婦女公主諸大夫 袁宏漢紀曰

年為外戚樊氏郭氏陰氏馬氏諸子弟立學外國朝者

號曰四姓小侯獨斷曰凡與先后有瓜葛者

侍子郡國計吏會陵晝漏上水大鴻臚設九賓隨立寢

殿前 薛琮曰九賓謂王侯公卿二千石六鐘鳴謁者贊

禮引客羣臣就位如儀乘輿自東廂下太常導出西向

拜折旋升階拜神座退後公卿羣臣謁神座太官上食

太常樂奏食舉舞文始五行之舞 文始舞者本舜韶舞

示不相襲也五行舞者本周舞也高祖更名文始以

也秦始皇更名五行之舞也 樂闋羣臣受賜食畢郡

國上計吏以次前當神軒告其郡國穀價人所疾苦欲

神知其動靜孝子事親盡敬愛之心也 謝承漢書曰靈

月車駕上原陵蔡邕為司徒掾從公行到陵見其儀儼

然謂同座者曰聞古不墓祭朝廷有上陵之禮始為可

損今本意云何昔在長安時其禮不可盡得聞也易武

通典 卷五十一 禮十二 十

示學者豈 退而記焉 最後親陵遺計吏賜之帶佩八月飲酎上陵

禮亦如之 丁孚漢儀曰酎金律文帝所加以正月朝作酒八月成名酎酒因令諸侯助祭貢金漢律

金布令諸侯列侯各以人口數率千口奉金肆兩奇不滿千口至五百以下者皆會酎少府受之又九真交趾

日南則用犀角二長九寸以上若瑋瑁甲一鬱林邑用象牙長三尺以上若翠各二十準以當金漢舊儀曰武

帝於八月酎皇帝暮視牲以鑑燧取水於月取火於日為明水火左袒以水沃牛右肩手執鸞刀以切牛尾之

毛即更衣侍中上熟乃祀至靈帝皆以弦晦二十四氣伏社臘及四

時祀祠廟日上飯太宮人隨鼓漏理被枕盥水陳嚴具

○魏文帝詔曰先帝躬履節儉遺詔省約子以述父為

孝臣以繼事為忠古不墓祭皆設於廟先帝高平陵上

殿皆毀壞車馬還殿衣服藏府以從先帝儉德之志遂

革上陵之禮及齊王在位九載始一謁高平陵○晉宣

王遺令子弟羣官皆不得謁陵景文遵旨武帝猶再謁

崇陽陵 景帝 一謁峻平陵 文帝 然遂不敢謁高原陵 宣帝

至惠帝復止也○東晉元帝崩後諸公始有謁陵辭

陵之事蓋由眷同友執率情而舉也成帝時中宮亦年

年拜陵議者以為非禮遂止穆帝時褚太后臨朝又拜

陵帝時幼也孝武崩驪騎將軍會稽王道子曰今雖制

釋服至於朔日月半諸節自應展情陵所以一周為斷

於是至陵變服單衣煩瀆無準非禮也及安帝元興元

年左僕射桓謙奏百僚拜陵起於中興非晉舊典積習

生常遂爲近法尋武帝詔乃不使人主諸王拜陵及義  
熙初又復江左之舊○宋文帝每歲正月謁初寧陵武帝  
孝武明帝亦每歲拜初寧長寧陵文帝○後魏太和

十六年九月辛未孝文帝哭於文明太后陵左終日不  
絕聲素幕越音活席爲次侍臣侍哭壬申孝文又哭如昨

帝二日不御食癸酉朝中夕三時哭拜於陵前夜宿鑑  
元殿是夜次甲戌帝拜哭辭陵還永樂宮○大唐貞觀  
十三年太宗朝於獻陵先是日宿設黃麾仗周衛陵寢  
至是質明七廟子孫及諸侯百僚蕃夷君長皆陪列於  
司馬門內太宗至小次降輿納履哭於闕門西再拜慟

通典

卷五

禮十二

三

絕不能興禮畢改服入於寢躬親執饌閱視高祖先后  
服御之物悲慟左右侍御者莫不歔歔禮畢太宗出自  
寢宮步過司馬門泥行二百餘步上入寢哭踊絕於地  
進至東階西向再拜號慟久之乃進太牢之饌加珍羞  
具品引太尉無忌司空勳越王貞趙王福曹王明及左  
屯衛將軍程知節並入執爵進俎上至神座前拜哭奠  
饌閱先帝先后衣服拜辭訖行哭出寢北門乃御小輦  
還宮高宗永徽二年有司言謹按獻陵三年之後每朔  
及月半上食其冬夏至伏臘清明社等節日亦上食其  
昭陵請依獻陵故事上從之六年正月謁於昭陵有司

先設儀衛於陵寢質明七廟子孫二王後百僚州鎮藩  
牧四夷君長等竝陪列於位皇帝降輦人次易服出次  
行哭就位再拜擗踊慟絕禮畢又改服奉謁寢宮其妃  
嬪公主先於神座左右侍列如平生帝入寢門卽哭瞻  
視幄座踊絕於地進至東階西面再拜號哭乃進牢饌  
珍羞引三公諸王竝入執爵進俎帝至神座前再拜哭  
自奠饌閱先帝先后衣服更增感絕拜辭訖行哭出寢  
北門景龍二年是時每日奠祭太常博士彭景直上疏  
曰謹按三禮正文無諸陵日祭之事又按禮論譙周祭  
志云天子之廟始祖及高祖祖考皆每月朔加薦新以  
象平生朔食也謂之月祭二祧之廟時祭無日祭此譙  
周所著與古禮義合本無日祭之文今諸侯月祭有朔  
日月半并諸節日料則古禮殷事之義矣諸節日猶薦  
新之義矣故鄭元注禮記云殷事朔日月半薦新之奠  
也又注儀禮云月朔月半猶平常之朝夕也大祥之後  
卽四時焉此則古者祭皆在廟近代以來始分月朔月  
半及諸節日祭於陵寢至後漢陵寢致祭無明文以言  
自魏三祖以下不於陵寢致祭竝符於古禮至於江左  
亦不崇園寢及齊梁陳其祭無聞今參詳以爲三禮者  
不刊之書懸諸日月外傳所記不與經合不可依憑其

諸陵請準禮停日祭帝曰禮因人情事有沿革陵寢如  
昨祇薦是常乍覽此奏但增哀慕乾陵宜依舊朝脯進  
奠昭獻二陵每日一進以爲恆式舊制每年四季之月  
常遣使往諸陵起居是日太常博士唐紹上疏曰自安  
宅兆禮不祭墓當謂送形而往山陵爲幽靜之宮迎精  
而返宗廟爲享薦之室但以仲月命使巡陵鹵簿衣冠  
禮容必備自天授以後時有起居因循至今乃爲常事  
起者以起動爲稱居者以居止爲名參候動止何如義  
非陵寢之法生事以禮必勤於定省死葬以禮宜闕於  
安厝豈可以事居之道行送往之禮敢辭命使勞繁但

通典

卷五

禮十二

五

恐不安靈域又降誕之日穿鍼之辰皆以贖命爲名時  
人多有進奉今聖靈日遠仙駕難攀進止起居恐乖先  
典請停四季及降誕并節日起居陵使但準式二時巡  
陵庶義合禮經陵寢安謐不從開元二十年四月制曰  
寒食上墓禮經無文近代相傳浸以成俗士庶有不合  
廟享何以用展孝思宜許上墓同拜掃禮於塋南門外  
奠祭饌訖泣辭食餘饌任於他處不得作樂仍編入五  
禮永爲恆式二十三年四月敕獻昭乾定橋恭六陵朔  
望上食歲冬至寒食日各設一祭如節祭共朔望日相  
逢依節祭料橋陵除此日外仍每日進半口羊食天寶

二年七月敕曰朕承丕業肅恭祀事至於諸節常修薦  
享且詩著授衣令存休澣在於臣子猶及恩私恭事園  
陵未標令式自今以後每至九月一日薦衣於陵寢貽  
範千載庶展孝思且仲夏端午事無典實傳之淺俗遂  
乃移風況乎以孝道人因親設教變游衣於漢紀成獻  
服於禮文宜宣示庶僚令知朕意  
初顯慶五年二月二  
十四日高宗以每年  
二時太常少卿分行二陵事重人輕又不備鹵簿威儀  
有關乃詔三公行事太常卿少卿爲副太常造鹵簿事  
畢則納於本  
司仍著於令

通典

卷五十二

禮十一

五

通典卷第五十三

唐 京兆杜佑君卿纂

禮十三 吉十二

大學 虞夏商周後魏 後漢魏晉 隋大 唐

有虞氏大學為上庠小學為下庠 大學篇曰古之欲明明德於天下者先治

其國欲治其國者先齊其家欲齊其家者先修其身欲修其身者先正其心尊師敬長而大學之道著焉學記

曰君子如欲化民成俗其必由學乎玉不琢不成器人不學不知道是故古之王者建國君民教學為先魏文

侯孝經傳曰大學中學也庠言養也所以養雋也 ○夏后

氏大學為東序小學為西序 次序先王之 ○殷制大學

為右學小學為左學又曰瞽宗 玉制曰小學在公宮南

禮十三 一

學所以學士之宮也尚書傳曰百里之國二十里之郊

七十里之國九里之郊五十里之國三里之郊宗尊也

瞽無日之名以喻童蒙 ○周制大學為東膠小學為虞

又云瞽瞍之所宗也

庠 膠之言糾也所以糾政學士也鄭注祭義云

周有四郊之虞庠也以小學為虞庠之制 又云天

子曰辟雍 辟明也雍和也以明和為名化道天下之人

使成土或又云辟者圓壁也雍之以水而

亦所以明和政教之至崔靈思云學制有二一云制與

明堂同體五室四堂在一基之上四方堂則以其方名

學中央堂謂之大學二云凡立學之法有四郊及國中

在東郊曰東學並方名之在國中謂之

大學故鄭注祭義曰周有四郊之虞庠

王太子王子羣

后之太子卿大夫元士之適子國之後選皆造焉

王之子

庶子也羣后

公及諸侯

樂正崇四術立四教

樂正樂官之長掌國

子之教幼者教之於

小學長者教之於大學尚書傳曰

春秋教以禮樂冬夏

年十五始入小學十八始入大學

教以詩書

春夏陽也詩樂者聲聲亦陽也秋冬陰也書禮者事事亦陰也

師氏掌以嫩

詔王

馬融曰嫩嫩道也告王以善道師者教人以事而諭諱德也嫩音美

以三德教國子

一曰至德以為道本

馬融曰德行內外之稱在心為德施之為行至德者中德也中庸曰

天命之謂性率性至謂道失中庸則無以至道故曰以為道本鄭元曰至德中和之德覆幬持載含容者也

二曰敏德以為行本

敏德仁義順時者也

三曰孝德以知逆惡

馬融

曰教以孝德使知逆惡之不可為也鄭元曰孝德尊祖愛親所以守其生也

教三行一曰孝

行以親父母

善事父母之行盡其愛敬

二曰友行以尊賢良

馬融曰

友之行使

三曰順行以事師長

馬融曰師德所擇益友不如也長老者凡國之

貴游子弟學焉

王公之子弟游無官司者也

凡學必時春夏學于戈

秋冬學羽籥皆於東序

于盾也戈句于戟也于戈萬舞象武也用動作之時學之羽籥

通典

卷三

禮十三

二

籥舞象文用安靜之時學之詩云左手執籥右手秉翟

春誦夏絃太師詔之瞽宗

秋學禮執禮者詔之冬讀書典書者詔之禮在瞽宗書

在上庠

周立三代之學學書於有虞氏之學典漢之教所興也學舞於夏后氏之學文武備也學禮樂

於殷之學功成治定與己同也誦謂歌樂也絃謂以絲播詩陽用事則學之以聲陰用事則學之以事者也

大學之禮雖詔於天子無北面所以尊師也

尊師重道焉不使處

臣位也武王踐祚召師尚父而問焉師尚父曰昔黃帝顓頊之道存乎意亦忽而不可見與師尚父曰在丹書

王欲聞之則齊矣王齊三日端冕師尚父亦端冕奉書而入負屏而立王下堂南面而立師尚父曰先王之道

不北面王行而西折而南東面而立師尚父西面道書之言大戴禮保傅篇曰帝入東學尚親而貴仁親疏有

序而相及也入西學尚賢而貴德聖智在位而功不遺也入南學尚齒而貴信長幼有差而人不誣也入北學

尚貴而尊爵貴賤有等而下不逾也入大學承師而問道退習兩端則德智理矣

大學之教也

時教必有正業業必先古之教者家有塾黨有庠術有

序國有學術當為遂古者仕焉而已者歸教於閭里朝夕坐於門側之堂謂之塾周禮五百家為黨

萬二千五百家為遂黨比年入學中年考校中間也問

者之德行三歲一年視離經辨志三年視敬業樂羣五

年視博習親師七年視論學取友謂之小成九年知類

通達強立而不反謂之大成夫然後足以化民易俗近

者說音悅服而遠者懷之此大學之道也王制耆老皆朝

於庠元日習射上功習鄉上齒大司徒帥國之俊士與

執事焉將習禮使之觀焉此庠謂鄉學又修六禮以節民性明七教以

興民德齊八政以防民淫一道德以同俗養耆老以致

通典卷之禮十三

孝恤孤獨以逮不足上賢以崇德簡不肖以黜惡司徒地官

卿掌邦命鄉簡不帥教者以告於王王命三公九卿大

夫元士皆入學不變王親視學亦謂使習禮以化之也

賢者之子孫也此不變命國之右鄉簡不帥教者移之

左命國之左鄉簡不帥教者移之右如初禮中年考校

轉徙其居觀其見不變移之郊郊鄉界之外不變移之

新人有所化也不變屏之遠方終身不齒遠方九州

送郊外也大夫不變屏之遠方終身不齒遠方九州

秦始皇焚書阮儒大學從此缺矣 ○漢高帝以叔孫通為奉常諸弟子

共定禮儀者咸為選首其後亦未遑庠序之事至孝文

時頗登用言少用文然帝本好刑名之言及孝景不任

儒學竇太后又好黃老術故諸博士具官待問未有進

具官謂備者員而已

武帝立後竇太后崩田蚡為丞相黜黃老

刑名百家之言延儒者百數

自漢興言易有淄川田生言書有濟南伏生言詩於

魯則申培公於齊則轅固生燕則韓大傅嬰言禮則魯高堂生言春秋於齊則胡毋生於趙則董仲舒而公孫

弘為丞相封侯天下靡然向風矣倍音陪

制曰蓋聞導人以禮風之以樂今

禮廢樂崩朕甚愍焉故詳延天下方聞之士咸登諸朝

詳悉也方道也有道及博聞之士也

其令禮官勸學講議洽聞舉遺興禮

以為天下先

舉遺謂經典遺逸者求而舉之太常議曰聞三代之道鄉

里有教勸學興禮崇化厲賢以風四方太平之原也因

舊博士置弟子五十人太常擇年十八以上儀狀端正

通典

卷五

禮十二

四

者補博士弟子

事具選舉中自景帝時文翁為蜀郡守設學校選張叔等十餘人入京就學學

既成就乃遣張叔分教蜀中子弟自是蜀之學者比於齊魯焉

昭帝舉賢良文學增博

士弟子員數滿百人至成帝時劉向請興辟雍設庠序

帝下公卿議會向病卒成帝末增弟子員三千人歲餘

如故及王莽為宰衡欲耀眾庶遂興辟雍增元士之子

得受業如弟子甲乙之科

具選舉中

○後漢質帝本初元年

詔大將軍以下至六百石悉遣子弟就學每春秋輒於

鄉射月一會有勸勉進用之端於是遊學者增至三萬

餘生自本初後二十四年高生皓首見拔者少桓帝建

和初詔諸學生課試補官

具選舉篇

元嘉二年詔曰書生汝

南胡憲陳留恭幸爽或六十以下常以月朔會辟雍垂  
白安貧童子潁川王通通經拜太子舍人因試憲等補

郎舍人後皆限六十以上七十以下年有增減不應得

試易凡天地之數五十有五此所以成變永壽二年復

課試諸生補郎舍人具選舉篇獻帝建安中侍中鮑衡奏按

王制立大學小學自王太子以下皆教以詩書而升之

司馬謂之賢者任之以官故能致刑措之盛立太平之

化也今學博士竝設表章而無所教授兵戎未戢人竝

在公而學者少可聽公卿二千石六百石子弟在家及

將校子弟見爲郎舍人皆可聽詣博士受業其高才秀

通典

卷七

禮十三

五

達學通一藝太常爲作品式從之晉虞摯決疑云漢初

置弟子五十人與博士俱共習辨禮置博士而無弟子後

儀又增滿五百人漢末至數千人○魏文帝黃初五

年立大學於洛陽時慕學者始詣大學爲門人滿二歲

試通一經者稱弟子不通一經罷遣弟子滿二歲試通

二經者補文學掌故不通經者聽須後輩試試通二經

亦得補掌故掌故滿二歲試通三經者擢高第爲太子

舍人不第者隨後輩復試試通亦爲太子舍人舍人滿

二歲試通四經者擢其高第爲郎中不通者隨後輩復

試試通亦爲郎中郎中滿二歲能通五經者擢高第隨

才敘用不通者隨後輩復試試通亦敘用齊王正始中劉歆上疏簡

高門子孫爲生曰黃初以來崇立大學二十餘年而成者蓋寡由博士選輕諸生選役高門子孫恥非其倫故學者雖有其名而無其實雖設其教而無其功宜高選博士取行爲人表經任人師者掌教國子依遵古法使二千石以上子孫年從十五皆入大學明制黜陟陳榮辱之路不從吳孫休永壽元年立學制曰古者建國教學爲先所以道理爲時養器也宜按舊制置學官立五經博士覈取應選加其寵祿見吏之中及將吏子弟有志好者各令就業一歲課試差其品第加以位賞使見之者樂其榮聞之者羨其稱以悼王化以正風俗未行也

○晉武帝初大學生三千人太始八年有司奏大學生七千餘人才任四品聽雷詔曰已試經者雷之大臣

子弟堪受教者令入學其餘遣還郡國咸寧二年起國

子學

法周禮國之貴游子弟國子受教於師者也

惠帝元康三年以人多猥

雜欲辨其涇渭於是制立學官品第五以上得入國學

通典

卷五

禮十三

六

○東晉元帝時太常賀循上言尙書彼符經置博士一人又多故歷紀儒道荒廢學者能兼明經義者少且春秋三傳俱出聖人而義歸不同自前代通儒未有能通得失兼而學之者也況今學義甚頽不可令一人總之今宜周禮儀禮二經置博士二人春秋三傳置博士三人其餘則經置一人合八人太常車允上言按二漢舊事博士之職唯舉明經之士遷轉各以本資初無定班魏及中朝多以侍中常侍儒學最優者領之職雖不同漢氏盡於儒士取用其揆一也今博士八人愚謂宜依魏氏故事擇朝臣一人經學最優者不繫位之高下常

以領之每舉太常共研厥中其餘七人自依常銓選太  
興初欲脩立學校唯周易王氏尚書鄭氏古文孔氏毛  
詩周官禮記論語孝經鄭氏春秋左傳杜氏服氏各置  
博士一人其儀禮公羊穀梁及鄭易皆省不置博士  
太常  
荀崧上疏曰昔武皇帝崇儒術以賈馬鄭杜服孔王何  
之徒章句傳注衆家之學置博士十九人二十州之中  
師徒相傳學士如林猶選張華劉實居太常之官以重  
儒教伏聞節省之制皆三分置二博士舊員十有九人  
今五經合九人準古計今猶未中半九人已升猶宜增  
置周易有鄭氏注其書根源誠可深惜儀禮所謂曲禮  
也鄭元於禮特明皆有證據昔周之衰孔子作春秋左  
邱明子夏造膝親受孔子汲邱明撰其所聞爲之傳微  
辭妙旨無不精究公羊高親受子夏立於漢朝多可采  
用穀梁赤師徒相傳諸所發明或是左氏公羊不載亦  
足有所訂正臣以爲宜各置一

孝武帝太元初於中堂

通典

卷五

禮十三

七

立行大學於時無復國子生置大學生六十人國子生

權銓大臣子孫六十人事訖罷

其國子生見祭酒博士單衣角巾執經一卷以

代手

自穆帝至孝武並以中堂爲大學太元九年尚書

謝石請興復國學以訓胄子弟頒州郡普修鄉校帝納

其言明年選公卿二千石子弟生增造廟房屋百五十

五間而品課無章君子恥與其列國子祭酒殷茂上言

臣聞舊制國學生皆取冠族華胄比列皇儲而中混雜

蘭艾遂令人情恥之詔雖褒納竟不施行○宋武帝詔

有司立學未就而崩文帝元嘉二十年立國學二十七

年廢明帝太始中初置總明觀祭酒一人有元儒文史

四科置學士十人○齊高帝建和四年詔立國學置學生五十人取王公以下子孫年十五以上二十以下家去都二千里爲限帝崩乃以國諱廢武帝永明三年詔立學乃省總明觀召公卿以下子弟置生二百二十人其年秋中悉集東昏侯永元初詔依永明舊事廢學時

有司奏國學大學兩存焉

領國子監助教曹思文上表曰古之建國君人者必教學

爲先將以節其邪清化人成俗今制書旣下而廢學先聞將恐觀國之光有以闕也若以國諱宜廢昔漢武立學爰泊元始百餘年中未嘗暫廢其開豈無國諱矣永明以德太子故廢斯非古典焉國之有學本以興化致禮故記云天子出征受命於祖受成於學今之國學卽古之大學天子入國學以行禮也太子入國學以齒讓也大學之與國學斯是晉代殊其士庶異其貴賤耳然貴賤士庶皆須教國學大學兩存之可也時立學太尉王儉復依晉代國子生單衣角巾執經代手版也○後魏道武帝初定中原始於平城立大學置五經博士生員千餘人天興二年春增國子大學生員三千人太武始光三年別起大學於城東後徵盧元高允等令州郡各舉才學於是人多砥厲儒術轉興獻文帝天安初立鄉學郡置博士二人助教二人學生六十人後令大郡立博士二人助教四人學生百人次郡立博士二人助教四人學生八十人中郡博士一人助教二人學生六十人下郡立博士一人助教一人學生四十人郡縣學始乎此矣孝文太和中改中書爲國子又開皇子之學及遷都洛邑立國子大

通典

卷五

禮十三

八

學四門小學○隋文帝開皇中國子寺不隸太常自前代皆屬太常也○大唐武德元年詔皇族子孫及功臣子弟於祕書外省別立小學七年詔諸州縣及鄉並令置學有明一經以上者有司試策加階敘貞觀五年太宗數幸國學遂增築學舍千二百間國學太學四門亦增生員其書算各置博士凡三千二百六十員其屯營飛騎亦給博士授以經業無何高麗百濟新羅高昌吐蕃諸國會長亦遣子弟請入國學之內八千餘人國學之盛近古未有龍朔二年東都置國子監丞主簿錄事各一員四門博士助教四門生三百員俊士二百員置

通典

卷五

禮十三

九

弘文館於上臺生徒三十人置崇文館於東宮生徒二

十人皆以皇族總麻以上親皇太后皇后大功以上親散官一品中書門下平章事六尚書功臣身食實

封者京官職事正三品供奉官二品子孫京官職事從三品中書黃門侍郎子孫為之並尚書省補西京

國子監領六學生徒皆隸一曰國子學生徒三百人分

五經一經六十人以文武官三品以上二曰大學生徒及國公子孫從二品以上之曾孫為之

五百人每一經百人以四品五品及郡縣公子孫及從三品之曾孫為之三曰四門學

生徒千三百人分經之制與大學同其五百人以六品七品及侯伯子男之子為之其八百人

以庶人之僑造者為之四曰律學生徒五十人取年十八以上二

九品子孫及庶人之習法令者為之五曰書學生徒三十人以習文字者為之六

日算學生徒三十人以習計數者為之凡二千二百一十人州

縣生徒有差

州縣學生門蔭與律書算學同諸生皆限年十四以上十九以下皆郡縣自補京都

八十員大都督中都督府上郡各六十員下都督府中郡各五十員下郡四十員京縣五十員上縣四十員中縣三十員下縣二十員也凡諸學皆有博士助教授其經義每歲仲

冬郡縣館監課試其成者長吏會屬僚設鄉飲之禮開

元七年十月皇太子詣國學行齒胄禮二十六年正月

赦文古者鄉有序黨有塾將以弘長儒教誘進學徒化人成俗率由於是其天下州縣每一鄉之內里別各置

一學仍擇師資令其教授又敕諸州鄉貢見訖令就國子監謁先師學官爲之開講所司設食弘文崇文館學

生及監內學生亦許聽焉天寶初明經進士習爾雅九

通典

卷五

禮十三

十

載國子監置廣文館知進士業博士助教各一人十二

載七月舉人不得充鄉貢皆補學生四門俊士停之永

泰二年正月國子祭酒蕭昕上言請崇儒學以正風教

敕曰頃以戎狄多虞急於經略大學空設諸生蓋寡絃

誦之地寂寥無聲函丈之間殆將不掃上序及此甚用

憫焉其諸道節度觀察都督防禦使等朕之腹心久鎮

方面眷其子弟各奉義方并宰相朝官及神策六軍子

弟欲習業者自今以後竝令補國子學生欲其業重簾

金器成琢玉日新厥德代不乏賢其中身雖有官欲附

學讀書者聽其學官委中書門下卽簡擇行業堪爲師

範者充學生員數多少所習經業考試等第并所供糧料及脩理閒各委本司作事件聞奏

諸侯立學 周 後漢 東晉

周制諸侯學曰泮宮 泮之言班所以班政教五經通義云泮水者泮之言半也天子曰辟雍謂以土雍水外員如璧故曰辟雍義取四方來觀者平均耳泮宮水雍其半蓋東西門以南通水北無水也泮音

王制天子命之教然後爲學 崔靈恩云諸侯爲學之法但一堂之上不爲五室唯南向爲之置之處一如時王之法貴尙是

同然則周之諸侯大學東膠在王宮之左小學虞庠在

西郊所以知一如時王之法者鄭元注王制小學在公

宮南之左大學在郊云殷諸侯置學之處得同天子

魯立三代之學米廩有虞氏之庠也序夏后氏之序也

瞽宗殷學也 庠序亦學也庠之言詳也於以考禮詳事也魯謂之米廩虞帝上庠今藏棗盛之委

焉序次王事也瞽宗樂師瞽瞍之所宗也古者有道有

德者教焉死則以爲樂祖於此祭之也崔靈恩云凡諸

侯之子入學之法亦以十年而出就外傳學書

計入學之時祭先聖先師釋奠一如王子之法 ○後漢

建安末魏國作泮宮於鄴城南 ○東晉穆帝永和 中征

西將軍庾亮在武昌開置學官起立講舍亮家子弟及

參佐大將子弟悉令人學四府博學識義通涉文學經

論者建儒林祭酒班同三署厚其供給皆妙選邦彥必

有其實者以充此舉近臨川臨賀二郡竝求修復學校

若非束修之流禮教所不及而欲階緣免役者不得爲

生明爲條制令法清而人貴 教曰人情重交而忽財好

逸而惡勞學業致苦而錄

答未厚由捷徑者多故莫肯用心洙泗邈遠風雅彌替

後生放縱不復憲章典謨臨官宰政者務目前之理遂

令詩書荒廢頌聲寂寥昔魯秉周禮齊不敢侮范會崇典晉國以理楚魏之君皆阻帶山河而不能保禮義之固孰與金城湯池哉今江表晏然王道曰崇三時既務五教並修軍旅已整俎豆無廢庸非善哉便處分安學校處所又繕造禮器將行大射之禮亮死尋廢

釋奠周魏晉東晉宋齊梁北齊隋大唐

周制凡始立學必釋奠於先聖先師及行事必以幣謂

子命之教始立學官者凡釋奠者必有合也國無先聖先師則所

釋奠者當與有國故則不故謂國有可為先聖先師者若唐虞有夔伯夷周有周公

魯有孔子各自凡學春官釋奠於先師秋冬亦如之謂

詩書禮樂之官也周禮凡有道者有德者使教焉死則以為樂祖祭瞽宗此之謂先師之類不言夏從春可知

釋奠者設薦饌酌而始立學者既覺器用幣禮樂之器已無迎尸以下之事成則覺之

通典卷五十一禮十三

又用幣告先聖然後釋菜告先聖先師以器成乃時將先師以器成也

祭菜示敬道也鄭元曰禮先用也學記曰太學始教皮弁

則授器司為之屬司兵司釋菜禮輕也乃退饋於東序一獻無介語釋奠則舞舞

可也言乃退者謂得立三代之學者釋菜於虞庠則天

子視學大昕鼓徵所以警眾也早味爽擊鼓以召庶也警猶起也凡用樂大胥

以鼓徵眾至然後天子至乃命有司行事興秩節祭先舉士

師先聖焉與猶舉也秩常也節猶禮也使有司攝其事舉常禮焉祭先師先聖不親祭之者視學觀

禮耳非為有司卒事反命告祭畢也祭將出征受命於

彼報也受成於學定兵謀也出征執有罪反釋奠於學以訊告祖

誠告釋菜奠幣禮先師也訊誠所生獲鬪耳者魏齊詩云執訊獲醜又曰在泮獻誠誠或為國

王正始中每講經徧輒使太常釋奠於辟雍以大牢祠

孔子以顏回配○晉武帝太始七年惠帝元康三年二

釋奠皆於大學太始六年元康五年二行鄉事皆於辟

雍鄉事鄉飲酒禮也惠帝之為太子及愍懷太子講經竟竝親

釋奠於大學○東晉明帝之為太子亦行釋奠禮成穆

孝武三帝皆親釋奠惟成帝在辟雍自是一時制也孝

武以大學在水南懸遠有司議依穆帝升平元年於中

堂權立行大學釋奠禮畢會百官六品以上時無國子生有司奏

應須二學生百二十人大學生取見人六十國子生權銓大臣子孫六十人事訖罷也○宋文帝

元嘉二十二年太子釋奠採晉故事裴松之議應舞六佾宜設軒懸之樂

通典卷三十一禮十二三

牲牢器用悉依上公祭畢親臨學宴會太子以上悉在○齊武帝

永明三年有司奏宋元嘉舊事學生到先釋奠先聖先

師禮又有釋菜未詳今當行何禮用何樂及禮器時從

喻希議用元嘉故事設軒懸之樂六佾之舞牲牢器用

悉依上公尚書令王儉議周禮春人學釋菜合舞記云始教皮弁祭菜示敬道也又云始入學必釋

奠先聖先師中朝以來釋菜禮廢金石俎豆皆無明文

方之七廟則輕比之五祀則重陸納石俎豆皆無明文

依亭侯之爵范甯欲依周公之廟用王者儀范宣謂當

其為師則不臣之釋奠日宜備帝王禮樂此則車陸失

於過輕二范傷於太重喻希云若王者自設禮樂則肆

賞於致敬之所若欲嘉美先師則須所況非備細尋此

說守附情理皇朝屈尊弘教惟以師資引同○梁武帝

天監八年皇太子釋奠周捨議既惟大禮請依東宮元

會太子著絳紗襪

音博衣領也

樂用軒懸合升殿坐者皆服

朱衣帝從之又有司以爲禮云凡爲人子者升降不由

阼階吏部郎徐勉議鄭元云由命士以上父子異宮宮

室卽異無不由阼階之禮請釋奠及宴會太子升堂竝

宜由東階若輿駕幸學自然中階其會賓客依舊西階

大同七年皇太子表其子寧國臨城公入學時議者以

與太子有齒胄之議疑之僕射臣纘等以爲參點回路

竝事宣父鄒魯稱盛洙汶無議師道旣光得以資敬無

虧亞二制可○北齋將講於天子講畢以一大牢釋奠

孔宣父配以顏回列軒懸樂六佾舞皇太子每通一經

通典

卷五

禮十二

古

及新立學必釋奠禮先聖先師每歲春秋二仲常行其

禮每月朔制祭酒領博士以下及國子諸學生以上大

學四門博士升堂助教以下大學諸生階下拜孔聖揖

顏回日出行事其郡學則於坊內立孔顏廟博士以下

亦每月朝

張憑議曰不拜顏子者按學堂舊有聖賢之像旣備禮盡敬奉尼父以爲師而未詳顏子

拜揖之儀臣以聖者君道也師者賢臣道也若乃推尊

禹於君位則稷契與我竝爲臣矣師元風於洙泗則顏

子吾同門也夫大賢恭已旣揖讓於君德回也如愚豈

越分於人師哉是以王聖佐賢而君臣之義若拜孔揖

顏而師資○隋制國子寺每歲四仲月上丁釋奠於先  
聖先師年別一行鄉飲酒禮州縣學則以春秋仲月釋奠亦每年於學一行鄉飲

禮○大唐武德二年於國子學立周公孔子廟各一所

四時致祭

貞觀二十一年制左邱明以下二十二人同享初以儒官自爲祭主

直云博士姓名昭告於先聖又州縣釋奠亦博士爲主

許敬宗奏曰秦漢釋奠無文魏氏則太常行事自晉宋

以降時有親行而學官爲主全無典實在於臣下理不

合專今請國學釋奠令國子祭酒爲初獻詞稱皇帝謹

遣仍令司業爲亞獻博士爲終獻其州學刺史爲初獻

上佐爲亞獻博士爲終獻縣學令爲初獻丞爲亞獻主

簿及尉通爲終獻修附禮令以爲永制七年二月高祖

幸國子學親臨釋奠引道士沙門與博士雜相駁難久

之貞觀十四年二月太宗幸國子學觀釋奠永隆二年

通典

卷五

禮十二

五

二月皇太子親行釋奠之禮開耀元年二月皇太子釋

奠於國學景龍二年皇太子將親釋奠於國學有司草

儀注令從臣皆乘馬著衣冠太子左庶子劉子元進議

曰古者自大夫以上皆乘車而以馬爲駢服魏晉以降

迄於隋氏朝士又駕牛車至如李廣北征解鞞甜食馬

援南伐據鞞顧盼斯則鞞馬之設行於軍旅戎服所乘

費於便習者也按江左官至尙書郎而輒輕乘馬則爲

御史所彈又顏延年罷官後好騎馬出入閭里當時稱

其放誕此則專車憑軾可擐朝衣單馬御鞞宜從褻服

求之近古灼然之明驗也褻衣博帶方履高冠本非馬

上所施自是車中衣服宜長裙廣袖襜如翼如鳴佩紆  
組鏘鏘奕奕馳驟於風塵之內出入於旌棨之間儻馬  
有驚逸人從顛墜遂使屬車之右遺屨不收清道之傍  
絰膠相續因以受咄行路有損威儀其乘馬衣冠竊謂  
宜從廢改皇子令附外宣行仍編入令以爲常式開元  
十一年詔春秋釋奠用牲牢其屬縣用酒脯而已二十  
七年八月因釋奠文宣王始用宮懸之樂二十八年二  
月敕文宣王廟春秋釋奠宜令攝三公行禮著之常式  
國子祭酒劉援奏準故事釋奠之日羣官道俗等皆合  
赴監觀禮請依故事著之常式制可之其儀具開元禮

通典

卷三

禮十三

六

祀先代帝王

名臣附。漢後魏。隋。

後漢。大唐。

魏

東晉

漢武帝時有人言古者天子以春解祠祠黃帝用一臯

破鏡

張晏曰黃帝玉帝之首也春歲之始也臯惡逆之鳥方士虛誕云以歲始破除凶災令神仙之帝食

惡逆之物使天下爲逆者破滅臯名食毋破鏡名食父如羶首而武限黃帝欲絕其類使百司皆用焉漢使東郡送臯五月五日作羹以賜百官解祠者解罪求福也

○後漢章帝元和春東巡

狩使使者奉一大牢祠帝堯於濟陰○魏武帝少時漢

太尉橋元獨先禮異焉故建安中遣使祠以大牢

蜀主劉禪

景曜六年詔爲丞相諸葛亮立廟於沔陽先是所在各請立廟不許百姓遂私祭之或以爲可立於京師禪皆不納步兵校尉習崇中書侍郎向克等言於禪曰自漢以來小德而圖形立廟者多矣况亮德範遐邇動蓋季世而蒸嘗止於私門廟貌闕而莫立非所以存德念功遠追在昔也今若盡從人心則黷而無典建之京師又

通宗廟宜因近其墓立之於沔陽使所屬以時賜祭凡其臣故欲奉祠者皆限至廟斷其私祀於是從之何承天駿之曰周禮凡有功者祭於大蒸故後代遵之元勳配享克等會不是式禪又從之蓋非禮也 ○東

晉孝武帝寧康三年七月故事禮臯陶於廷尉寺新禮

移祀於律署以同祭先聖於大學舊祀以社日新改用

孟秋以應秋政 摯虞按虞書皋陶作士惟明克允國重其功人思其當是以獄官禮其神繫者

致其祭功在斷獄之成不在律令之始也大學之祀義

同太常故祭於大學律之署卑於廷尉移祀於署是去

重而就輕非正署廢與無常宜如舊祀於廷尉祭用仲

春義取重生改用孟秋以應刑殺理未足以相易宜定

新禮皆如舊制 ○後魏文成帝東巡歷橋山祀黃帝孝文太和

十六年詔曰法施於人祀有明典立功垂惠祭有常式

其孟春應祀者頃以事殷遂及今日可令以仲月而享

祀焉凡在祀令者有五帝堯樹則天之功興巍巍之治

可祀於平陽虞舜播太平之風致無為之化可祭於廣

甯夏禹禦洪水之災建天下之利可祀於安邑周文公

制禮作樂垂範萬葉可祀於洛陽其宣尼廟已於中省

別敕有司行事自文公以上可令當界牧守各隨所近

攝行祀事皆用清酌尹祭也 曲禮曰脯日尹祭 ○隋制使祀先

代王公帝堯於平陽以契配帝舜於河東咎繇配夏禹

於安邑伯益配商湯於汾陰伊尹配文王武王於澧渭

之郊周公召公配漢帝於長安蕭何配各以一太牢而

無樂配者享於廟庭 ○大唐前修禮令無祭先代帝王

通典

卷五

禮十三

七

之文禮部尙書許敬宗等奏謹按禮記祭法云聖王之制祭祀也法施於人以死勤事以勞定國能禦大災能扞大患則祀之其漢高祖祭法無文但以前代迄今多立秦漢故事始皇無道所以棄之漢祖典章法垂於後自隋以上亦在祠例今請聿遵故實三年一祭以仲春之月天寶六載正月制三皇置一廟五帝置一廟有司以時祭享至七載五月詔三皇以前帝王宜於京城內共置一廟仍與三皇五帝廟相近以時致祭天皇氏地皇氏人皇氏有巢氏燧人氏其祭料及樂請準三皇五帝廟以春秋二時享祭歷代帝王肇跡之處未有祠宇者所在郡置一廟享祭仍取當時將相德業可稱者二人配享

老君祠 先賢附。後漢 大唐

後漢桓帝延聖八年使中常侍之陳國苦縣祠老子九年親祠老子於濯龍中文廟爲壇飾純金釭器設華蓋座用郊天樂○大唐乾封元年追號老君爲太上元元皇帝文明元年九月冊元元皇帝妻爲先天太后立尊像於老君廟所開元二年三月親祠元元皇帝廟追尊元元皇帝父周上御史大夫復追尊爲先天太皇仍於譙郡置廟歲餘一祀以上準先天太后廟例二十九年

兩京及諸州各置廟一所并置崇元館天寶元年親祠

元元廟又於古今人表昇元元皇帝為上聖其時同制莊子號南

華真人文子號通元真人列子號冲虛真人庚桑子號洞靈真人又以其所著之書並為經其年九

月改兩京元元廟為太上元元皇帝宮其告享所奏樂降神用混成之

樂送神用太乙之樂二載西京改為太清宮東京改為太微宮天

下諸郡為紫極宮三月敕古之制禮祭用質明義兼取於尚幽情實緣於既沒我聖祖湛然常在為道之宗既

殊有盡之期須展事生之禮自今以後每聖祖宮有昭

告宜改用卯時以前行禮四載四月敕比太清宮行事

官皆冕服爰及奏樂未易舊名并告獻之時仍陳冊祝

既非事生之禮皆從降神之儀且真俗殊倫幽明異數

理有非便亦在從宜自今以後每太清宮行禮官宜改用朝服兼停祝版改為清詞於紙上其告獻辭及所奏

之樂章朕當別自修撰仍令所司具儀注聞奏十三載

正月詔令有司每至孟月則修薦獻上香之禮仍為常

式六載五月詔後漢張天師冊贈太師梁貞白陶先生冊贈太保興元元年十二月詔

太清宮改太常卿亞上香光祿卿終上香改三禮拜為

再拜貞元元年正月敕薦享太清宮亞獻太常卿充終

獻光祿卿充仍永為常式

通典 禮十三 九

孔子祠 先儒及弟子附 漢 後漢 魏 晉 後魏 北齊 後周 隋 大 唐

漢元帝時孔霸以帝師賜爵號褒成君奉孔子後平帝  
元始初追諡孔子曰褒成宣尼公追封孔均為褒成侯  
○後漢光武建武十三年封均子志為褒成侯章帝元

和二年二月東巡狩因幸魯祠孔子七十二弟子

漢晉春秋

曰闕里者仲尼之故宅也在魯城中帝升廟西面羣臣  
中庭北面皆再拜帝進爵而後坐東觀書云祀禮畢命  
儒者論難也和帝永元四年徙封為褒尊侯相傳至獻帝初

國絕○魏文帝黃初二年以孔子二十一代孫議郎羨  
為宗聖侯邑百戶奉孔子祠令魯郡修舊廟置百戶吏  
卒守衛○晉武帝太始三年改封孔子二十三代孫宗

聖侯震為奉聖亭侯又詔大學及魯國四時備三牲以

通典

卷五

禮十三

三

祀孔子明帝太寧三年詔給奉聖亭侯四時祀孔子祭  
宜如太始故事○宋文帝元嘉八年奉聖侯有罪奪爵

至十九年又授孔隱之隱之兄子熙先謀逆又失爵二

十八年更以孔惠雲為奉聖侯後有重疾失爵孝武大

明二年又以孔邁為奉聖侯邁卒子芋

謂俱反

嗣有罪失

爵○後魏封孔子二十七葉孫乘為崇聖大夫孝文帝

太和十九年改封二十八葉孔珍為崇聖侯文成帝詔

其宣尼之廟當別敕有司行薦享之禮○北齊改封三

十一葉孫為恭聖侯○後周武帝平齊改封鄒國公○

隋文帝仍舊封鄒國公煬帝改為紹聖侯○大唐貞觀

十一年封孔子裔德倫爲褒聖侯二十一年制以左邱明卜子夏公羊高穀梁赤伏勝高堂生戴聖毛萇孔安國劉向鄭衆杜子春馬融盧植鄭元服虔何休王肅王弼杜元凱范甯賈逵總二十二人竝爲先師永徽中制令改周公爲先聖黜夫子爲先師顏回左邱明從祀顯慶

二年禮部尚書許敬宗等奏曰準貞觀二十一年詔以孔子爲先聖更添左邱明等二十二人與顏子俱配宣父於太學竝爲先師今據永徽令改用周公爲先聖黜孔子爲先師顏回左邱明竝爲從祀按禮記云凡學春官釋奠於其先師鄭元注云官爲禮樂詩書之官也先師者若禮有高堂生樂有制氏詩有毛公書有伏生可以爲之又曰始立學釋奠於先聖鄭注曰若周公孔子也聖則非周卽孔師則偏善一經考漢魏已來取捨各異顏回孔子互作先師宣父周公更爲先聖求其節文遞有得失所以貞觀之制正夫子爲先聖加衆儒爲先

通典

卷五

禮十三

三

師而今新令輒事刊改但周公攝政制禮作樂功比王者祀之儒館實貶其功仲尼生衰周之末振文喪之弊祖述堯舜憲章文武弘聖教於六經闡儒風於萬載故孟軻稱生靈以來一人而已自漢以降奕葉繼俟崇奉其聖迄於今日胡司降茲上哲俯入先師且又邱明之徒見行其學貶爲從祀亦無故事今請改令從詔於義爲允其周公仍依高宗乾封元年正月東巡次兗州鄒禮配享武王也

縣頓祭宣父廟贈太師總章元年二月皇太子詣學贈顏回太子少師曾參太子少保神龍初詔以鄒魯百戶封崇道公宣尼采邑用供薦享又授裔孫褒聖侯崇階朝散大夫仍許子孫以相傳襲開元八年敕改顏生等十哲爲坐像悉應從祀曾參大孝德冠同列特爲搢像坐於十哲之次圖畫七十子及二十二賢於堂壁上以

顏子亞聖親爲之贊以書於石閔損以下令當朝文士

分爲之贊

時國子司業李元瓘奏稱先聖孔宣父廟先師顏子配坐今其像立侍配享合坐十哲弟子雖復列像廟堂不應享祀謹檢祠令何休范甯等二十二賢猶需從祀其十哲請春秋釋奠列享在二十二賢之上七十子請準都監廟堂圖形於壁兼爲立贊又曾參孝道可崇獨受經於夫子請準二十二賢應享

二十七年八月制夫子追贈諡爲文宣王宜令三公持

節敕命竝撰儀注昔緣周公南面夫子西坐今位既有殊坐豈仍舊宜補其墜典永作常式自今以後夫子南面而坐內出王者袞冕之服以衣之十哲等東西列侍

顏子淵既云亞聖須優其秩

顏子贈兗國公

閔子騫贈費侯

通典

卷三

禮十三

三

冉伯牛贈鄆侯

冉仲弓贈薛侯

宰子我贈齊侯

端木子貢贈黎侯

冉子有贈徐侯

仲子路贈衛侯

言子游贈吳侯

卜子夏贈魏侯

又夫子格言參也稱魯雖居七十之數不載四科之目頃雖參於十哲終未殊於等倫久稽先旨俾修舊位庶乎禮得其序人焉式瞻命尙書右丞相裴耀卿攝太尉持節就國子廟冊畢所司奠祭亦如釋奠之禮又遣太子少保崔琳往東都就廟行冊禮又敕兩京及兗州舊宅廟像宜改服袞冕其諸州及縣廟宇既小但移南

面不須改衣服兩京樂用宮懸春秋二仲上丁令三公攝行事七十子竝宜追贈

曾參贈邾伯

顓孫師贈陳伯

澹臺滅明贈江伯

宓子賤贈單伯

原憲贈原伯

公冶長贈莒伯

南宮子容贈邾伯

公皙哀贈郟伯

曾點贈宿伯

顏路贈杞伯

商瞿贈蒙伯

高柴贈共伯

漆雕開贈滕伯

公伯寮贈任伯

司馬牛贈向伯

樊遲贈樊伯

通典

卷五

禮十三

三

有若贈卞伯

公西赤贈郟伯

巫馬期贈郟伯

梁鱣贈梁伯

顏柳贈蕭伯

冉孺贈紀伯

曹邴贈曹伯

伯虔贈聊伯

公孫龍贈黃伯

冉季贈東平伯

秦子南贈少梁伯

漆雕子斂贈武城伯

顏子精贈琅瑯伯

一作子驕

漆雕徒父贈須句伯

壤駟赤贈北徵伯

商澤贈睢陽伯

石作蜀贈石邑伯

任不齊贈任城伯

公夏守贈元父伯

公良孺贈東牟伯

后處贈營邱伯

秦子開贈彭衙伯

奚容蒧贈下邳伯

公肩定贈新田伯

顏襄贈臨沂伯

鄒單贈銅鞮伯

句井疆贈淇陽伯

罕父黑贈乘邱伯

秦商贈上洛伯

申黨贈邵陵伯

公祖子之贈期思伯

榮子期贈雩婁伯

縣成贈鉅野伯

左人郢贈臨淄伯

燕伋贈漁陽伯

鄭子徒贈滎陽伯

顏之僕贈東武伯

原亢贈萊蕪伯

樂顏贈昌平伯一作款

廉潔贈莒父伯

通典

卷五

禮十三

三

顏何贈開陽伯

叔仲會贈瑕邱伯

狄黑贈臨濟伯

邽巽贈平陸伯

孔忠贈汶陽伯

公西與如贈重邱伯

公西蒧贈祝阿伯

蘧瑗贈衛伯

施常贈乘氏伯

林放贈清河伯

秦非贈汧陽伯

陳亢贈穎伯

申棖贈魯伯

琴牢未詳

顏噲贈朱虛伯

步叔乘贈淳于伯

琴張贈南陵伯

太公廟

大唐

大唐開元十九年四月兩京及天下諸州各置太公廟  
一所以張良配享春秋取仲月上戊日祭諸州賓貢武  
舉人準明經進士行鄉飲酒禮每出師命將辭訖發日  
便就廟引辭仍簡取自古名將功成業著弘濟生人者  
十人準十哲例霑享至乾元元年九月十二日太常少  
卿于休烈奏臣昨因秋享漢高祖廟見傍無侍臣享太  
公廟有張良在側伏以子房生於漢初翊奉高祖坐籌  
帷幄佐定天下考其年代不接太公自古配食廟庭陪  
葬陵寢皆取當時佐命同受哀榮太公人臣不合以張  
良配享請移於漢祖廟從之上元元年閏四月敕昔周

通典

卷五

禮十三

五

武創業區夏惟師尚父實佐興王況德有可師義當祭  
暴稽諸古昔爰崇典禮其太公望可追封爲武成王有  
司依文宣王置廟仍委中書門下擇古今名將準文宣  
王置亞聖及十哲等享祭之典一同文宣王貞元四年  
八月兵部侍郎李紆奏曰太公廟準式以太常少卿充  
三獻官祝文云皇帝遣某官敢昭告至上元元年追贈  
爲武成王享祭之典一同文宣王有司因差太尉充獻  
兼進祝版親署臣伏以太公即周之太師張良漢之少  
傅聖朝列在祀典已極褒崇載在祝詞必資折中理或  
過當神何敢歆今者屈禮於至尊施敬於臣佐每請御

署竝稱昭告竊謂非宜一同文宣王恐未爲允臣以爲  
文宣垂訓百代宗師五常三綱非其訓不明有國有家  
非其制不立故孟軻稱自生人以來一人而已由是正  
素王之法加先聖之名樂用宮懸獻差太尉尊師崇道  
雅合正經其太公述作止於六韜勳業形於一代豈可  
擬其盛德均其殊禮哉前件祝文請自今更不進  
敢昭告請改爲致祭其獻官請準式太常卿以下  
百寮集議聞奏兼大理卿于頔等四十六人議同  
左領軍大將軍令狐建等二十四人議曰當今兵  
偃宜崇武教以尊古重忠烈以勸今欲有貶損非

通典

卷之三

禮十三

三

之道也追尊王位以時祠之爲武教之主若不尊

則無以重其教也文武二教國竝宜立廢一不可況其  
典禮之制已歷二聖今欲改之恐非宜也至九月有敕  
以上將軍以下充獻官餘事依李紆所奏其祭享獻儀  
具開元禮

07217



